

士也 280.255  
39  
3

新  
本  
山  
野  
史  
記

寅





梁山縣志卷三上

同知銜知梁山縣事艾



知州銜知梁山縣事符永培纂輯

同知銜知梁山縣事朱言詩續修

建置志

城池

公署

公所附

津梁

場市

街坊

古者體國經野以為民極最重者三曰城池曰公署曰  
橋梁城池民社所托處也公署官司所布政也橋梁皇  
華所以便往來也益之市集棊置四隅綽楔表厥宅里  
豈非因天乘地而為肇造之良法歟悉書以諭來者庶  
度地居民保固封圻匪特壯一邑之觀瞻矣志建置

梁山縣志

卷三

建置志

城池

城池

國朝德孚八表化洽萬邦眾志成城勝於金湯之固奚待實  
墉實壑乃咏遁求厥甯乎然設險列於易象掌固載在周官  
釋名云城盛也盛受國都也禮記孟秋之月補城郭蓋言役  
有時焉左傳計丈數揣高卑度厚薄仞溝洫蓋言工有度焉  
梁城次第經營因時修繕眾志誠孚而捍外衛內保障之道  
有不容忽者亦綢繆桑土之思也

邑舊惟土城明成化中知縣吳珏始砌以石正德初參

政曹祥重修周圍五里二分計九百五十三丈高一



丈八尺爲門四曰樂善曰豐勝曰永樂曰永安明末流寇之變倒塌大半

國朝康熙二十年知縣黃建中奉 文議修未舉行嗣後歷任知縣加增修葺不能如舊康熙六十一年知縣孫天霖重修東西城樓雍正八年知縣王裕疆復修南北城樓乾隆三十三年知縣徐鼎亨奉 文修築周圍四里二釐二毫七百二十三丈九尺五寸城牆堞口計一千一百九十七四門各建樓嘉慶三四年署令方積勸捐補修加高三尺嘉慶五年縣令范紹泗

梁山縣志

卷三

建置志 城池

二  
川〇〇

縣丞關實秀復諭捐建營房八十八間

咸豐十年邑令王必遵以城垣歷久石蝕城堞甚低籌款加高用資障蔽工未竣次年署令田秀栗督工續修時值賊氛逼近鄰封設立城防局籌款增修

自東門至南門空心礮臺五座

大石心礮臺六座

右邊盤查房一連三間

左邊管帶房三間

白牆營房九間



紅牆營房三間

火磚營房十一間

木架營房十一間

自南門至西門空心礮臺五座

大石心礮臺十三座

右邊圍總房一間

盤查房二間

水洞房一間

白牆營房十間

梁山縣志

卷三

建置志

城池

紅牆營房六間

火磚營房十二間

木架營房二間

自西門至北門空心礮臺四座

大石心礮臺四座

巡查房一間

管帶房二間

白牆營房十三間

紅牆營房二間



火磚營房四間

木架營房八間

自北門至東門空心礮臺四座

大石心礮臺十座

管帶房三間北

管帶房三間東

水洞房三間

白牆營房六間

紅牆營房十間

梁山縣志

卷三

建置志

城池

四  
三

火磚營房一間

木架營房十九間



公署

公署國家所以處有位者也說文署部署有所网屬也官府之政統於一尊若網之在綱故其字從网春秋以前曰公堂詩言躋彼公堂是矣自左氏言署者位之表此則稱署所由始耶秦漢後曰蘭署曰粉署曰都督署曰三司署百官敷政之所遂統謂之署焉其在府署則顏以黃堂縣署則號以琴堂殆取諸揮絃而理乎他如丞署為贊府尉署為少府顧名思義各有攸司耳夫將以臨民視事不得擬同郵傳豈容僅肅觀瞻要當為

梁山縣志

卷三

建置志 公署

五

川子三

國家樹屏翰勤保障職思其居則鶴影琴絲地以人傳庇斯宇者即廣廈之千萬間也

縣署 按舊志正廳三間二廳三間內宅三間儀門三

間大門三間六房左右共八間康熙六年知縣王若

義建五十九年知縣孫天霖增修雍正八年試用知

縣王裕疆重建乾隆九年居民失火延燒改舊考棚

為縣署邑令范麟闢東偏為退食之所顏曰五斗山

房四十五年范麟於縣署舊址鳩工建立正廳未葺

事五十四年邑令程瑁請領養廉銀九百八十兩零



九錢七分六釐購料興修是年九月竣工養廉銀兩  
三年扣還大堂五間二堂五間恭懸

欽頒清慎勤匾左右廂房二間書辦科房十二間三堂三間  
書房共六間上房三間廂房二間廳房共九間廂房  
共三間庫房三間廚房三間右邊書房三間廂房一  
間儀門五間頭門五間署西男監五間女監二間大  
堂匾曰無慾則剛邑令徐鼎亨聯云奧區傳胸臆東  
控瞿塘撫翼翼巖疆慎固封守巨鎮仰都梁西連劍  
閣望峩峩積石顧畏民崑程瑁聯云創深痛骨刺心

梁山縣志

卷三

建置志 公署

六

川又七

謹慎鞭笞堂上卽行仁有濟訟久荒時失業勤清案  
牘民間便受福無窮符永培聯云萬井盡務農桑門  
外四時春敢自詡課勤而臻俗美一腔惟持冰雪案  
前三尺法亦無非瘴惡以冀刑清署後正陽山經邑  
令符永培鋪砌石徑新築園扉栽以花卉竹木手書  
洞天深處四字

縣署後正陽山與城垣連接其最高處建四照樓層檐  
高聳四壁空明登眺之餘萬山環拱城郭歷歷在目  
咸豐十一年邑令田秀栗建



田秀栗新修四照樓碑記

夫燭之明能照物鏡之朗能

鏡者也而人心之明且朗尤能瑩鑑萬類其所照又當何如余蒞茲土適當軍務紛乘愧心之不明恐照之或蔽特建斯樓顏曰四照日與賓僚列坐其間憑欄四顧見夫烟火萬家屋椽疊錯垣墉百堵兵衛森嚴俯矚民情隱無不徹遙窺賊壘微無不彰因與僚友輩殫精竭慮殷勤孳畫或借箸而籌或挾策以獻無非念民瘼恤民艱悍民患顯微闡幽遂覺此心之畢照矣且日所能及者照之以目日所不能及者照之以心由是東望吳楚欲寇盜胥平也西望秦雍欲兵戈盡息也南望黔滇欲烽烟無驚也北望京華欲金甌永奠也區區寸衷實期昇平有象仰見紉縵星雲則東西南朔之赤子羣遊於光天化日中矣豈不懿哉若於山亭翠聳極煙雲四面之觀水榭風涼任翔鱗四圍之集雕鐫風月嘯傲林泉則逸士騷人之事非居官者之所宜也余不敏竊體公生明之訓且冀後之撫斯邑登斯樓者其心咸明於燭朗於鏡而

梁山縣志

卷三

建置志 公署

七

照無不周云是為記增

縣丞署 雍正八年奉文新設縣丞一員分駐治西三

十里之沙河舖九年奉批示創建大門二間儀門二

間大堂三間二堂三間內宅三間兩邊書房四間兩

科兩邊共六間常平倉五間建於大堂之左乾隆十

三年調用縣丞楊耀曾改建儀門三間大門三間嘉

慶五年署燬於邪匪八年奉 藩憲札委新甯于令

會同梁山符令估勘詳報在案後未請項興修

儒學署 文廟之右雍正七年教諭方松齡捐建前為



明倫堂

按魏晉以後凡建學之地皆有講堂元世祖至元十三年雲南行省平章賽典赤始建明倫堂於諸路乾隆四十九年教諭彭大經募修前

廳三間

朱爾閱重建明倫堂碑記

從來明倫堂之與學宮並建

以訓迪士子講學論道敦行飭已非徒煥其巨規侈人觀瞻已也而觀瞻之典即於是乎在梁邑之建斯堂也始於康熙壬寅邑令孫天霖蓋已八十有餘年矣閱時久而歷年多棟宇剝落牆垣傾圮物理固然無足異者余自乾隆戊寅蒞任以來目擊其狀不遑甯處即思捐貲補葺第因陋就簡實出無益固不如其已也然欲改作之奈工程浩大獨力難支乃為酌之閭邑紳士而紳士以重修為可再質之邑侯魯公而魯公尤首領之是事尚未舉而謀已僉同又何慮其難成耶余乃籌尋地之廣狹家之饒裕募捐若干建置志 公署

梁山縣志

卷三

八十一

即余亦親為勸導期於有成而後已迄於今巍煥者其制耶宏厥者其規耶易狹隘而式廓易弁鄙而輝煌蔚乎其改觀也已且夫學宮之成毀與文運之盛衰固相為乘除者也考有明盛時百廢具舉而學宮乃造士之地尤為巍煥一時真儒輩出即如梁邑之高古涂來諸賢相繼蔚起銘諸鼎彝班班可考人文之盛甲於下川東焉迨遭獻賊之變人民塗炭學宮茂草雖歷年不乏增飾而不振無具文教於以寢微矣幸而斯文不墜大道常明當乾隆己巳間學師龔在庠爰有大成殿之修至己卯小子閱復為明倫堂之建兩美煥然後先輝映斯固學宮之允成也而士風亦因以漸盛前鄉闈而標虎榜者有人越午闈而奪經魁者有人科甲聯翩宮牆頓為生色使多士誠爭相懋勉將由此而捷南宮膺翰苑安在高古涂來之賢不可復見於今日也哉余既幸紳士果能相助以成斯堂而尤幸梁庠文風之蒸蒸日上也於是乎



典史署 向在縣署西典史孫天祥建火燬後賃住民房後改舊考棚爲署道光八年重修考棚因以南城內行臺爲廳署計大堂三間廂房二間二堂三間三堂三間廚房一間班房一間衙神祠一間照壁全駐房把總署 在西門大門一間大堂三間二堂三間內宅三間東書房一間西班房一間

縣試考棚 縣城南四牌坊卽舊志之學院考棚也梁邑向屬夔府歲科兩試學院校夔士於此雍正十二年改縣隸忠州縣之士校於州之考棚此遂空置乾

梁山縣志

卷三

建置志 公署

九

川文

隆九年縣署火焚權爲縣署後爲典史署故彙考在縣署道光五年縣令徐名緝以應試人眾縣署隘不能容乃以行臺爲廳署仍以廳署爲考棚八年六月興工計經費四千七百零建二堂五間上懸 太子書祇承堂額左廂正四間橫二間又左廳三間爲武試較射之所右廂正三間廳一間大廚房一間大堂煖閣進門二間爲收卷之所東西文場號棹號橙可容千餘人明遠樓五間雨亭一間儀門五間東西轅門照壁全凡大憲過境卽以此爲行臺



僧會司 無署按洪武十四年六月開設僧錄司掌天下釋教事曰善世曰闡教曰講經曰覺義左右各一員府設僧綱司都綱有副州設僧正司僧正縣設僧會司僧會

僧官慈廕 嘉慶十二年七月詳補

道紀司 無署按僧道設官於邑自元始有官無祿道官馮宣綬 嘉慶十二年十月詳補

陰陽學 今廢按元典章元貞元年中書省奏定陰陽教授令各路公選老成厚重藝術精明爲眾推服一

名於三元經書出題移廉訪司體覆舉用明以來學廢而陰陽生但依附道家又至元二十二年設各路醫學教授學正訓誨醫生照依降去十三科題目每月習課醫義一道年終置簿申覆尙醫監較優劣按今之陰陽學卽周禮馮相氏保章氏挈壺氏之遺所以辨妖祥驗晷刻授人時也雖天文之位變渺茫而莫之能辨然守壺伐鼓以節晝夜差時擇日以辨吉凶皆其所有事焉今之醫學卽周禮醫師疾醫瘍醫之遺所以養療萬民之疾病疖瘍致之全愈也雖養



眊攷療視藥劑殺參兩之術未必盡精然按方脉治藥餌腫潰金折之品別烹煎咬咀之劑量皆其所有事焉此皆關係於生人之義其可備員而未之聞耶願質諸爲陰陽學醫者

醫官姚御觀 乾隆五十七年四月詳報五十八年九月奉發劄付

梁山縣志

卷三

建置志

公署

十一

一〇五



普濟堂

易曰井收勿幕有孚元吉蓋必井養而不窮博施而能濟乃為有孚元吉之道乎在昔大同之世老有終幼有長鰥寡孤獨廢疾者皆有養而舜與文仁政則曰不侮鰥寡曰必先鰥寡孤獨知為政者未有不留意於此也宋名居養元名孤老明洪武五年壬子詔天下郡縣各立孤老院仍元名也十四年乃改為養濟院境內之民貧病老不能自存者則籍錄而養之

普濟堂

治東門外屠家巷正屋三間左右橫屋四間

梁山縣志

卷三

建置志

普濟堂

一  
川刊、

門樓一座周圍土牆現因傾圮飭房估修普濟堂向無田地乾隆三十年北關外藏經閣僧人一念將毛家河熟田三坵每年收市斗租穀一十八石合倉斗穀三十六石捐入普濟堂經前署令宋思仁詳報批允在案

嘉慶九年收養孤貧五名每名日支口糧一升歲共支給倉斗穀三十五石三斗二升每石折銀四錢共折銀一十四兩一錢二分八釐

育嬰堂

在東門外創建房廊若干間暨酌定章程並



本邑紳糧各邑紳衿捐入租田以及勸捐置買田畝均刻有成書可考無庸贅述

邑侯曾化南募建育嬰堂疏

昔孟子極言不忍之心必徵之於孺子將入井者何

哉誠以孺子童蒙未啟其瀕於危亡固非孽由自作而人心之怵惕惻隱所以動於不容已也予筮仕來梁下車伊始凡一切政治百未一舉又何敢煦煦為仁先親不急之務然每臨市場見嬰兒中路啼泣此心不覺怛然而動雖勢異乎入井而其不同乎入井者幾希矣按邑中舊政設有棲流所養濟院歷年舉行造福無涯而育嬰一事竟缺焉嗟乎是可忍也孰不可忍也惟自念與邑人士未嘗淡洽驟議斯舉談何容易方癥結於懷而不能去昨張同年版題院長來告予曰邑之議建育嬰堂久矣顧每失之因循今自公蒞任以來政教乍新仁風斯振以余所知邑與鄰封願興是役者已不乏人約計可得三四千貫公

梁山縣志

卷三

建置志 育嬰堂

二

能提挈而鼓舞之則措之裕如耳公其有意乎予不覺大喜曰此固予願也何其巧相值也數處可得三四千貫合計一邑之中其不忍之心無不同其樂助之心亦無不同果爾於斯舉乎何有予雖不才竊欲本實心而行實政惟自慚綿力徒抱虛願今諸人士既先得我心導以為政之機予敢不擴充此心力圖善政於後哉願諸人士各如前此數處同發不忍人之心集腋為裘速底於成使予得次第舉行俾凡在蒼生同臻壽域此固予所厚望於諸人士亦諸人士所深願於予者也至於相度地基建造屋舍選董事立規條姑俟集有成數再為籌議云

邑侯田秀栗育嬰堂序

昔聖人言志曰老安曰少懷志已周乎天下後世矣今之設養

濟院體聖人安老之志也今之設育嬰堂體聖人懷少之志也梁邑舊有養濟院而育嬰堂之設則肇自曾公愛棠毛公小梧贊其事者則馮君春來王君錫之程君任菴而倡於始圖厥終者則伍君宏緒劉君



建祿並忠梁萬三地士庶共勸厥成美哉幼有所長  
正不獨老有所終矣是堂之建屋計若干嬰計若干  
庇蔭之飲食之教誨之有疾則醫療之稍壯猶陶鎔  
之雖父母之育子亦不過如是洵可為恩斯勤斯嚮  
子之閔斯矣夫杜陵廣廈白傳大裘祇屬空談而未  
見諸實事今覽育嬰堂所定章程不幾以實心行實  
政毫髮無遺憾乎辛酉夏余查案來梁間步堂所親  
其規模初就經費不敷案立未詳不惟潛德未闡將  
來廢弛必多耿耿懷來四顧躊躇而不忍去秋初接  
篆斯土惟求潔已奉公矢志靡他雖未善政畢舉亦  
思有利必興竊念為民父母不能饑猶己饑寒猶己  
寒多方調護使待哺嬰孩流離赤子欣然各得其所  
焉中心其何能安爰將洋煙秤費輸於堂內收用則  
例規條申詳請獎以期垂諸久遠無替予因之有感  
矣夫梁之民猶赤子也鄰邑之民亦猶赤子也育目  
所常觀之赤子易育目所未觀之赤子難故充其願  
願彌大擴其量量彌宏舉斯嗷嗷者悉納諸懷抱顧  
復鞠育內除其奸外捍其患平日豫有以養之使為

梁山縣志

卷三

建置志

育嬰堂

三

父母者皆以仁慈為念豈有嬰而忍置之平林平日  
豫有以教之使為男女者皆以禮義自防豈有嬰而  
忍棄之雲夢則不育之育更深於育奚俟屋較廣狹  
人籌多寡田爭丈尺為哉然而博濟之量帝王猶有  
難周立達之方吾儒皆可自盡斯堂之建蓋亦欲立  
立人欲達達人之意此真聖人之志也吾人讀聖人  
書體聖人志志不可以或隘故余於當事者有厚望  
焉惟冀後此為民牧者保赤誠求悉能以聖人安懷  
之志為志俾斯民悉登於仁壽之域將並無遺嬰之  
待於育焉是則余之所躊躇滿志者也善始善終是  
在有為心斯民  
者因為之序

恤節院 在育嬰堂側仍由堂之大門入

邑令田秀栗恤節院序

天下忠孝節義之事惟有志者能為之人有忠孝節義之行亦

惟有德者能成之忠孝節義者天地之大經乾坤之正氣而人心所恃以相維於不做者也千古而上有



其人聞者莫不興起而況在同時千里而遙有其人  
傳者述為美談而況在同鄉試觀經史所載如伯夷  
叔齊之忠伯奇申生之孝伯姬共姜之節豫讓嬰白  
之義彼皆一意孤行求仁得仁亦復何與後世之人  
而百世下流連慨嘆罔不憫其生悲其死太息痛恨  
於當時之挽救無其人以是知秉彝攸好之自在於  
人心也久矣顧余嘗盱衡古今考論人物計所謂為  
忠臣為孝子為義士或因運世之變或因倫常之變  
而見不常有也而所謂為節婦者則處處有之時  
時有之通都大邑有之窮鄉僻壤亦有之方其鏡鸞  
孤掩釵鳳分飛黃鵠歌沉紫芝人遠零風斷雨黯銷  
慘澹之魂素幕青燈憑弔淒涼之影致足傷矣况其  
處順境者常少處逆境者常多彼夫金閨淑女綉閣  
名姝生長閨閣之家沐浴詩書之澤憑藉有資蹈道  
不渝其立志也可嘉其為守也較易若乃寒閨孤嫠  
窮簷苦孀室乏五銖家徒四壁饑寒既已交迫貧乏  
幾難自存一若天不欲遽以全節予之也必先使之  
苦心志勞筋骨餓體膚空乏拂亂之備嘗以觀其立

# 梁山縣志

## 卷三

建置志

恤節院

## 四

三十一

志之何如而若人者竟能忍心性守阨窮誓九死以  
不移經百折而不悔此其人微論鄉里為之推崇即  
鬼神亦為之呵護顧乃目覩其困苦流離不思扶其  
顛而持其危是尚為有心人也哉余自束髮受書即  
聞江南各省有清節堂恤嫠局之設雖未詳其作法  
若何而顧名思義亦可想見其用心之所存去年秋  
攝梁邑篆邑舊有育嬰堂係忠梁萬諸君子之義舉  
因其經費未充予已為設法籌款多方培成今年夏  
邑士劉建祿伍尚行唐子璞周承庸劉秀隆孫元貞  
劉秀琛何正倫李白玉劉秀品忠州貢生劉賡颺萬  
縣廩生李兆庚監生金昭德等商議欲於育嬰堂之  
右另修一恤節院收養貧苦節婦俾之得所因請釐  
定章程余深喜諸君子之先獲我心也  
昔程子有言餓死事小失節事大是以  
旌卹之坊各州縣有節孝祠之建所以獎節操慰貞

### 朝廷有

魂典至鉅也今恤節院之設殆猶是輔天地之大經  
扶乾坤之正氣而維人心於不敝者也其所裨於人  
心世道者豈淺鮮哉維念功程浩大計非得一萬餘



金不可從來善作者難必善成所慮者余未獲久於其任未必遽觀厥成耳然而人之好善誰不如我惟望義士仁人暨宦斯邑者同心協助共成美舉是則余之所厚望而亦斯世斯民之厚幸也夫

### 恤節院條規凡十五擇其切要者錄九

一育嬰堂既成每思因善作善可兩得便如婦人而嫠婦人之不幸也嫠而貧又嫠之不幸也固天定也然嫠而能矢志自安於貧是能順受其天之正者惟哀其志而憐其貧庶嫠得遂其生更少慰其所以不忍死之願謂非因天之道以濟天之窮者乎是人定勝天莫便於此也又節婦而外貞女間或有之有赴未

婚夫家守志者有在母家守志者若未婚之夫家與母家俱貧苦難堪亦能堅貞自守更屬可敬似此節婦貞女不必拘定名數恐碍立志苦衷該董事查明收入恤節院酌派堂中幼女經侑或雇老婦服役養其終身如節婦貞女願撫育嬰孩須另收入育嬰號內仍照老婦每月工價給錢以示勞則思思則善心生之意是兩便又莫善於此也如節婦貞女不能善爲撫育卽不給工貲亦聽其仍住恤節院以全其志一節婦貞女之族戚隣友務將該婦女之姓字里居年



貌及夫亡守節各年分並故夫存時作何生理與現  
在家居貧苦情由據實詳寫送入院內面交董事該  
董事確詰無虛一面註冊一面稟請立案如後查係  
族隣等徇情妄送卽傳該族隣領回所費錢文責令  
族隣賠還以杜冒濫

一節婦貞女皆由貧苦無依凡族戚隣友旣不能設法  
安置周濟已甘具保送入恤節院雖非恩義頓絕可  
比究不能如常往來卽婦女偶感風寒院內自有醫  
藥調治該族戚等亦不得藉口看望致生嫌疑縱婦

梁山縣志

卷三

建置志 恤節院

六

川又二

女不幸病故該董事等稟明詳請

旌典自應遵照辦理從厚安葬不得與育嬰老婦等量齊觀  
該董事旣如此珍重凡族戚等亦不得妄參異議也  
一院內禮法是節婦貞女名節性命所關最宜森嚴凡  
僧道女尼三姑六媿以及土豪游民無論男婦老少  
一切閑雜人等概不進入違者該董事指名稟究又  
此院值年董事須擇年高有德品正行端者承充或  
院內有公務當辦事畢卽出不得久延以遠嫌疑而

免浮議



一節婦貞女之族戚等固不准通行來往但其至親骨肉或實有要務來議者一概杜絕似亦不近人情須先向董事聲明同進院內在廳堂會敘語畢隨即同出斷不容入內窺伺亦不准在院歇宿違者稟究

一節婦貞女務尙勤儉既入此院則勤儉無從見惟績麻紡棉係女工正務該董事着管帳如前育嬰條規中養教女孩習學之例給錢買棉與麻紡績遞售年終除本歸公計賺積錢若干按名登記以助本人各備衣裳巾履之費如管帳有侵蝕等弊查出稟逐

梁山縣志

卷三

建置志

恤節院

七

三十一

一恤節之舉各處皆有實難盡善雖以節爲主更宜以孝爲重如中年破鏡翁姑尙存子女亦生貧苦無奈力代故夫盡養撫子不忍他適又不能來堂似此又可權其重以勵其操也擬此節婦不分士庶該董事預製竹牌或木牌上註號數每號用兩牌寫明俟伊族隣等告知註冊稟明卽於每號兩牌填明節婦姓氏年貌里居及伊翁姑子女各年歲並族隣姓名以一牌存記以一牌交與族隣領同轉交本節婦收存以便每月朔日著人持牌來堂對號該董事計節婦



及伊翁姑子女按名各給錢三百文務速付給以便  
來人迅歸轉給本婦領用免致遲延遺誤

一貞女赴未婚夫家守志或立有承嗣之子不能來堂  
又苦無措俟伊族隣告知註冊該董事如前製牌計  
貞女及伊子每月每名各給錢三百文如貞女在母  
家守志雖未婚夫家立繼有子毋庸贈給

一未入院節婦貞女病故一經伊族隣告知該董事必  
立時除名或有子嗣伊族等不能領帶並未至十五  
六歲者卽令來堂仍照堂內舊規教養至喪費該董  
事酌給三月之錢以爲一助如伊族等均多貧苦絕  
無幫助者須臨時酌議多給俾得厚葬至稟明申詳  
與在院節婦貞女一律看待

棲流所 在南城內道光二十年署令葉朝彩捐廉一  
百千並將歷任流交徵存茶課市色市平銀四百八  
十四兩五錢二分八釐發交世襲熊懷芳舉人蔡申  
苾易錢除修理棲流所房屋牆垣外於東路土橋子  
置買陳姓田房一分價七百千載糧一斗五升八合  
六勺契附卷存房招佃每年酌收租穀四十石彷彿照



養濟院每月發給軍流徒犯之老而貧病者口糧

同善堂 在南門內即棲流所之舊地光緒十三年建

邑令曾傳潛跋

唐虞三代之世民日遷善而不知為之者豈有異術哉亦上之人導以善政

以善教使斯民漸染薰陶從善如登耳余自丙戌冬攝篆是邦見夫丐食窮民絡繹道路每際天寒歲暮雪虐風欺則枕籍道旁束手待斃幸而獲免而饑寒交窘仍為敗類終於囹圄噫可哀已公餘之暇因集都人士謀所以卸篆未果余喜其先得我心也特就城南棲流所舊地規度地勢葺屋數椽上廊五間習藝者處之俾自新也左廊三間殘疾者居之免路斃也右廊四間則仍棲流所之舊其鳩工庀材勸募司成則方子炳南李子榮東之力焉落成後論者以為三善俱備爰取古人為善最樂之義題額以誌不朽惟冀後之君子善繼善述相與維持於不敝則不特余所

梁山縣志

卷三

建置志

同善堂

九  
八〇七

厚幸而亦斯世斯民所厚幸也夫 續增

養濟院 在普濟堂側道光四年署令劉衡奉 前藩

憲札飭以境內如有衰老無依及殘廢篤疾應行收

養之人籌款妥議除額設孤貧五名前令添增三名

外捐廉三百千文並查有庫存湖北營兵支剩鹽菜

閒款銀一百五十四兩零兌錢一百七十餘串續經

典史宋照捐錢五十千典史王永賓唐成明等捐錢

一百七十餘千共湊錢七百千文發交典商生息計

增收孤貧三十五名謂之官捐孤貧隨即出示勸捐



八千六百九十三千有奇卽在原設普濟堂側置買  
房屋地基一契添修養濟院計瓦蓋磚房四向共一  
百零四間編列字號分住男女每間額住一人外修  
房二向共十大間不編字號以爲額外居住中修公  
房一院正屋五間左右廂房各一間招兩看司分住  
一經管男孤貧一經管女孤貧正中一向四間爲公  
房每月發給錢米用錢一千三百八十四千置買沙  
壩場唐家壩田房一契計田八千三百二十二丈一  
尺三寸七分買價謝中共錢四千七百三十三千九

梁山縣志

卷三

建置志 養濟院

十  
八三六

百六十六文招佃每年收租穀二百七十石零五斗  
四升二合五勺又置買觀音寺田房一契計田三千  
四百五十五丈三尺五寸買價謝中共錢一千八百  
二十七千八百五十文招佃每年收租穀一百零八  
石又增收孤貧一百零四名謂之紳捐孤貧通共一  
百四十七名所餘之錢均作添置義塚備辦棺木修  
白骨塔之費

邑令劉衡新建養濟院碑記

道光甲申秋衡由墊江知縣奉檄攝邑篆邑富庶爲

忠夔冠其患不在貧在不均故其無告之民視墊邑且倍蓰而縣舊孤貧額八名耳爲惻然傷之其明年



春勉捐錢三百千典史山陰宋君照捐錢五十千益以庫貯閒款共得錢七百千文交典商會其息月取子錢八千四百文凡收養孤貧三十五名謂之官捐孤貧稍增於舊矣然遺者強半意未慊也會錢塘陸心蘭先生以理學名儒來為布政司使飭通省察辦孤貧衡乃得籌所以擴充之者輒延集近城紳士設勸捐局聽民自輸初則惴惴焉恐民之不我從也邑士民乃曰善哉斯舉也若惟恐不當使君意者不三月局撤共收捐項錢八千六百九十三千有奇買腴田二處歲收市斗穀三百七十八石四升二合五勺購東門外附郭地一區建養濟院為屋一百二十八間又得收養孤貧一百零四名謂之紳捐孤貧前後凡七閱月乃告竣焉過此以往哀我獨其獲遂其生於光天化日下乎顧以衡不德未諳治謔乃與邑賢士大夫相與以有成也然非士民勇於好善諸君子盡慎竭誠則所以務遠大之圖建長久之計者未必能聿觀厥成如此其盛且速也是役也肩其事者為前任安徽穎上縣知縣李君堪瑞坐補富順縣儒

梁山縣志

卷三

建置志

養濟院

十一

學教諭秦樹庠廩貢生李堪文縣學附生刁思恭國子監生羅耀廷錢瑩理凡六人諸君子在局不設供饌輪值歸食不受薪俸不妄支一錢尤為不數數觀者衡調任巴縣行有日矣尤願諸君子有以善其後也嗚呼敬之哉

同治四年邑令艾鉞捐廉置買牟維揚叔姪等田業一

契載糧一升八合入養濟院添設孤貧二名

憐濟祠 邑西門外孝子坊側 梁邑收養孤貧尙具

養濟院一所人稠類廣補綴維艱咸豐十一年劉松

柏等倡募雖捐資買業具有成數而功程浩大支絀

時形同治六年編號收入更見拮据嗣邑令熊公燮



臣洞悉全案恐後事難就更名憐濟院傳集劉松柏等遵辦立案刊碑傳諸久遠

節錄碑序

共計號舍一百二十間全糧八十三分半糧五十四分

續增

三費局公所在南門內文昌祠左光緒三年邑紳請立三費邑令葛起鵬倡捐銀五百兩四路紳糧每租一石捐錢一百文約計得銀二萬餘兩置買田產釐定章程刻有成書

附錄

邑令葛起鵬上各 大憲稟

建置志

憐濟院

梁山縣志

卷三

十三

敬稟者案查奉

前督憲通飭未經設立三費之州縣一律議設等因維

憲臺

卑職

到任後據

時各前縣雖經遵照試辦均未能成

闔邑紳糧賴朝舉等稟稱梁邑驛站夫馬已蒙核實

減裁酌定章程稟請立案刊碑得免多派滋累惟三費一事前經田主硃諭劉松柏等妥為勸辦十餘年來並未辦成民間一遇命盜案件擾累不堪請示遵辦前來查興設三費以除歷年積弊民間得免擾累固屬善舉惟

卑

縣當兵燹以後瘡痍初復連年津貼



捐輸在在藉資於民其力實有未逮現奉

督憲示

諭津捐等欸隨糧派收係屬萬不得已之舉其餘地方公事不得按糧攤派此次該紳糧等請辦三費自當勸募紳富量力捐助或出資財或捐田產各聽其便庶不致累及貧民當經卑職倡捐銀五百兩批飭集眾妥議總期於事有濟於民無擾方為盡善茲據紳糧等具稟城鄉紳糧邀集募捐均極踴躍或錢或田約計得銀二萬餘兩之譜請示諭扎飭妥為經辦以期有成等情查該紳糧等勸募紳富均係自願輸

梁山縣志

卷三

建置志 三費局

三

川上八

將並無勒派擾累辦理尙屬妥善當經批准照辦在

案

卑職

復查縣屬情形每於人命雜案為數不少相

驗招解在在均需費用卽緝捕經費亦須籌備方能永除從前擾累積習既經該紳糧等勸有成數一俟收齊卽當遴選殷實紳士經理其事置買田業釐定章程稟請立案以垂久遠所有據紳糧等稟請勸辦三費大概情形理合先行稟請

憲臺俯賜查核批示飭遵為此具稟須至稟者

護理總督部堂文

批據梁山縣具稟紳糧等稟請勸



辦三費大概情形一案奉批據稟該縣舉辦三費現據各紳糧捐錢捐田約計得銀二萬餘兩均係自願輸將並無抑勒擾累事尙可行仰按察使司即將捐項收齊置產生息督同各紳糧撙節支銷妥議三費章程稟請立案以垂久遠

章程未錄

邑令葛書役條規示為出示曉諭事案據三費局

紳糧賴朝舉李逢盛劉遠翥劉伊昌彭鶴舉石煥若顏正邦唐子璞高思典鍾耀堂謝陽春羅英才劉壩劉松柏馮峻何千秋李文蔚熊超袁一培劉錫茲劉

梁山縣志

卷三

建置志

三費局

古

川上三

澤世袁琨錢永慶鄧玉等稟稱爲懇恩速成美舉事廉倡興三費士民無不啣恩感激而至今遲遲難成

者因下情無由上達今事在成廢之間不得不縷晰

稟明大凡公事之成必上下聲氣相通情意不隔

紳

等非無一二能通達民情者又狷介不欲進言故每謁見時率皆畏威唯諾不能剴切敷陳而當前默默退後曉曉事何由成邑人之樂辦三費局者因鄰封三費章程俱附有書役條規邑之苦於書役者實甚欲因三費一行而書役之弊悉除故名雖辦三費意



實不急於三費故紳等前陳三費章程與書役條規

並進廉仁只核局費人心至此一灰已懷觀望之意今

正十八日帖請鄉紳至局催捐俱言書役條規未定

捐貲難收雖買田數處價皆不敷紳等復席請書役

首領至局面議不惟善言難入即廉仁所核局費多不

遵依鄉紳等候至五六日迄無成議勢將瓦解實無

如何紳等竊思事在將成一旦廢去機會實屬可惜

只得復將前所呈墊江縣黃仿照安岳射洪條規

督憲駱飭通省舉行者重加裁減俾簡而易行祈廉仁

梁山縣志

卷三

建置志 三費局

五

俯察民隱革去弊端恐有不合增減悉聽恩裁廉仁一

面出示曉諭紳等急行付梓庶廢者復興散者復聚

諒不至有始無終至於縣丞捕廳薪水俟開局日按

月補給不敢違諭紳等合聲公懇不勝懃懇待命之

至等情據此查書役藉案搯索大為民害本縣治梁

一年偶遇差役搯索之案無不痛加懲創此爾闔邑

百姓所共見共聞者是書役規費之設思之熟矣原

擬三費告成績行舉興務使民累悉除永無滋擾今

接據該紳糧等稟稱三費之觀望無成由於書役條



規之未立殊失本縣爲民除累之初心除稟批合行  
出示曉諭爲此示仰闔邑人等知悉自示之後爾等  
務各一體遵照條規辦理毋違切切特示

條規全錄

一每案送審原告給錢壹千貳百文被告給錢壹千陸  
百文共計錢貳千捌百文交撥差送入側門如兩造  
情願和息請銷原被各出錢貳千五百文共計錢五  
千文仍交撥差將錢四千文送入側門壹千文交房  
書收領格外不得多取分文

一民間詞訟等案件凡批准出票勿論名數多寡總以

梁山縣志

卷三

建置志 三費局

夫

川又三

一票而論原告出錢貳千文被告出錢叁千文共計  
錢五千文交輪內首領撥差原差收領其鋪堂禮仍  
照舊規錢數均着原被各給錢貳百文共計錢肆百  
文不得格外多索

一凡有審訊之案如未結而覆訊者每次原告給錢陸  
百文被告給錢壹千文共計錢壹千陸百文交首領  
撥差原差收領不得格外重取

一詞訟案件或糧捕兩班或糧壯兩班合辦之案並無  
定規今議遇有兩班合辦之案原告出錢叁千文被



告出錢五千文共計錢捌千文交首領撥差原差收領其鋪堂禮仍照舊規錢數均着原被各給錢貳百文共給錢四百文不得格外多索

一差人下鄉叫案除命盜搶案外其尋常詞訟等案撥原差二名每差一名每日由原被告各給錢壹百文每日共計錢貳百文以八十里爲一日往返不得過五日如差役遲留不得另開口岸錢文

一刑房開單送審每案原被各給錢壹千貳百文共計錢貳千肆百文交吏書收領若開覆訊者每次原被各出錢貳百四拾文共計肆百捌拾文仍交吏書收領不得格外多索分文

一凡案件在吏戶禮兵工糧倉七房開單送審每案原被各給錢壹千文共計錢貳千文交吏書收領若開覆訊者每次原被各出錢貳百肆拾文共計錢四百捌拾文仍交吏書收領不得格外多索分文

一凡各房各案遇有添喚添質仍照舊規每名給錢一百五拾文

一詞訟各房具結向有筆貲仍照舊規錢五百叁拾肆



文原被各出不得多索分文

一從前代書寫呈一張所取戳記格式附狀筆貨錢壹千數百文未免太多苦民不便負屈難伸萬不得已今酌議定取副狀錢五拾陸文兵房戳記錢叁拾貳文碗戳記錢叁拾陸文值堂房戳記錢貳拾肆文承發房戳記錢肆拾捌文值日差茶錢貳拾肆文代書筆貨騰錄共給錢壹百貳拾文此 葛主新定以上七項仍照舊規工房取格式錢壹百貳拾文門房傳遞錢壹百貳拾文共計錢五百捌拾文以外不得多

梁山縣志

卷三

建置志

三費局

六

川三三

取分文

一梁邑向有無賴之徒每因搯詐不遂卽暗向值日糧壯班呼差數名借稱喊冤將被害之人押在茶社一坐數席卽講燈油錢數千文不等稍不遂意更轉押至佃房需索口食等費一錢不清斷難脫身嗣後如有喊冤者兩家各出錢叁百貳拾文共計錢陸百肆拾文交糧壯兩班錢肆百文交房書開單錢貳百肆拾文不得格外多索

一鰥寡孤苦貧苦已極之民每遇訟事代書房班毋得



需索錢文蓋此輩情形人所矜憫斷不准需索錢文以示體恤若無故痞騙誣控不在此例以杜妄告拖累之弊

一遞詞狀者向由廳署蓋戳今局內給有月費已將戳記撤銷毋庸蓋戳

一借甲越控與歧控亟宜設法禁止梁邑地界一接忠州一接大竹本邑地棍與鄰邑蠹役互相狼狽每因細故借甲越控州憲批准者往往越喚強拘到州即批查者將查牌隱匿不現亦往往強拘到州如有體

面者不能強拘即朦稟抗不遵喚易文行提遂爲上控案件受害者苦不勝言又大竹縣分司本邑奸民與本邑小忿每至場期先約差管押倘被告人眾或私幫人管押然後呈控至分司處其受害者不言可知又有竹邑民控本邑者亦依樣先押後控彼竹邑人設立三費局竹民至局扯一局票分司不敢取錢彼一文不費原被二告均出梁民受害更甚嗣後如有前項二弊州差准受害之家協同局紳送縣酌辦竹差亦送縣嚴究其有拔山寺差越境滋擾一律辦



理

一梁邑近接鄰封每有捕差唆賊誣扳良民捕役執票來梁並不投文率領白役多人強拘過境先與伊場客約保正夥搯掛紅錢拾餘千文然後帶回伊縣受害者量家之肥瘦出錢之多寡不滿其欲斷難脫身嗣後如有此弊准照越控歧控一律稟官懲究

一勘墳界址等案五十里內原告給錢壹千貳百文被告給錢兩千文共計錢叁千貳百文以貳千文交房書以壹千貳百文交輪差八十里外原告給錢壹千

梁山縣志

卷三

建置志 三費局

三

三

陸百文被告給錢叁千文共計錢肆千陸百文以叁千文交房書以壹千陸百文交輪差口食一並在內至於房書夫馬每里往返給錢捌文原被各出一半輪差夫價每里往返給錢四文原被各出一半不得多取分文



養濟院田租石斗

一沙了場唐家壩佃戶周安隆租田玖拾石零貳斗

一沙了場唐家壩佃戶李純鳳租田柒拾石零捌斗

一沙了場唐家壩佃戶陳金光租田陸拾陸石陸斗陸

一沙了場唐家壩佃戶陳隆先租田貳拾肆石陸斗

一沙了場唐家壩佃戶陳棉先租田貳拾貳石貳斗

一沙了場譚家橋佃戶譚人照租田叁拾石

一沙了場譚家橋佃戶蔡言週租田貳拾石

一沙了場洞子口佃戶周邦貴租田貳拾石

梁山縣志

卷三

建置志

三

一新場濫泥溝 佃戶楊宗杰租田肆拾壹石

蕭文軒施

一新場街後 佃戶馮學武租田貳拾石

文朝開施

一小南路金家店佃戶唐學順租田叁拾貳石

王海樑施

一金家店 佃戶鄧有簡租田叁拾貳石

錢希根施

一鏡門坎 佃戶劉興純租田拾叁石

劉采堂施

一觀音寺 佃戶劉紹開租田貳拾柒石

一觀音寺 佃戶僧覺悅租田壹百零捌石

一金家店 佃戶李 租田伍拾石

李董氏施

總共田租陸百陸拾柒石肆斗陸升



津梁

說文津水渡也橋水梁也爾雅析木謂之津梁石橋也石杠謂之猗亦石橋也夏令曰十月成梁周語水涸而成梁孟子以此首為政焉至秦昭王初作河橋乃以梁為橋矣茲邑地處偏隅每當河分岡斷勢難飛越必有杠梁以利涉不至褻裳莫渡濡軌堪虞其斯為經久之圖乎

暗橋 縣前

長壽橋 縣東邑人戴友時建

飛仙橋 縣東樂善門外相傳張卞飛昇於此

梁山縣志

卷三

建置志 津梁

一  
川上三

朝陽橋 縣東二里

觀音橋 縣東四里

永鎮橋 縣東五里

蟠龍橋 縣東二十八里一在西路涼水井

賴公橋 縣東署史賴作樑修

永濟橋 縣東四十里

銀河橋 縣東四十五里接蟠龍溪水迤邐南流月夜

望之如銀河故名

營山李以甯銀河橋詩

行人趁朔風石道架飛虹愛此溪如畫翻憐路不窮水流深澗



底樹密曉烟中蜀道  
艱難甚銀河許乍通

龍灘橋 小東路十五里

騎龍橋 小東路四十里

化龍橋 學前明成化中知縣毛榮建

桂溪橋 武廟前舊有魁星閣成化間知縣花馨建

文昌橋 南城內

古家橋 縣南十五里

映峯橋 縣南二十里 續增

八廟橋 縣南四十里 續增

梁山縣志

卷三

建置志 津梁

二  
リ  
リ  
リ

彩石橋 縣南五十里 續增

禦龍橋 縣南五十里尹家溝 續增

凌雲橋 縣南七十里平灘河 續增

張姓橋 縣小南路十五里

雙石橋 縣小南路三十里

熊家橋 縣小南路三十二里

鴛拱橋 縣小南路四十四里

神仙橋 縣西三里 舊名踏泥橋

頂堰橋 縣西五里邑令毛榮建



福德橋 縣西十五里邑令孫讓建

帶水橋 縣西十五里貢生馮錦建

觀音橋 縣西二十五里邑人湖廣靖州知州李枚建

沙河橋 縣西三十里

一德橋 縣西三十五里監生熊鑑建

登瀛橋 縣西四十里

七間橋 縣西六十里邑人李光祖建

朱家橋 縣西六十里

八仙橋 縣西南六十里三箭灘

梁山縣志

卷三

建置志 津梁

三

リ〇三

銅鼓橋 縣西北百里

碧潭橋 縣西北十五里載明統志

福果橋 縣西北三十里

古家橋 縣西北四十里

惠民橋 縣北門外 舊名戴家橋

萬石橋 縣北三里

扈家橋 縣北三里主簿扈子賢建

張生橋 縣北十里

送水橋 縣北三十里



萬古橋 縣北四十里

以下續增

蔣姓義渡 治東百里謝家壩路通雲南湖北等處河

寬二十餘丈水消可蹇裳涉水漲萬難徒濟乾隆初

年國學蔣君時因送子弟應試歸阻水數日蒿目其

艱乃設渡船並買田地作工資隨到隨渡不取分文

客商咸利賴焉

小石橋 縣東十里

正德橋 縣東十二里

玉溪橋 縣東十二里

梁山縣志

卷三

建置志

津梁

趙家橋 縣東二十里

六匯橋 縣東九十里

三會橋 縣東九十里

五安橋 縣東九十二里

雙鳳橋 縣東九十五里

人和橋 縣南二十七里

興橋 縣南三十五里

寸石橋 縣南四十里

箭灘橋 縣南四十里



古生橋 縣南五十餘里

遇仙橋 縣西十五里

遇緣橋 縣西十五里

高板橋 縣西北五里

迴龍橋 縣西十五里

楊柳橋 縣西十八里

高橋 縣北六十里

噴雪橋 縣北六十里

梁山縣志

卷三

建置志 津梁



場鎮

古者日中為市周禮凡國野之道十里有廬三十里有宿五十里有市又太宰以九職任萬民六曰商賈阜通貨財分地而經市管子云處農必就田野處商必就市井市井者場鎮也利之所在人必趨之聚民間日用之需入市交易謂之趕場各有定期辰集午散蓋猶河北之謂集嶺南之謂墟中原之謂務也

葫蘆壩 縣東六十里

柏家場 縣東六十里

梁山縣志

卷三

建置志 場鎮

曲水場 縣東八十里

聚寶場 縣東九十里

石家場 縣東九十里

分水場 縣東一百里

仁和場 縣南二十五里

石柱坪 縣南四十里

馬家場 縣南四十五里

觀音場 縣南五十里

雙河場 縣南六十里



沙了場 縣南七十里

麻柳場 縣南八十里

耙子坵 縣南九十里

沙河舖 縣西三十里

老營場 縣西四十五里

黃土坎 縣西五十五里

屏錦舖 縣西七十里

迴龍場 縣西九十里

袁垵驛 縣西九十里

梁山縣志

卷三

建置志 場鎮

石礮舖 縣西一百十里

楊家場 縣北四十里

露斯場 縣北五十里 舊名螺螄場

土門場 縣北五十里

新場 縣北六十里

永興場 縣北六十五里

虎城場 縣北一百十里

按通志所載縣西南二十里之杏市鎮西北四十里

之虎溪鎮 舊設巡司今廢 西五十里之牛頭寨 即赤牛城遺址猶存 東



五十里之峽石市東北之豆山關北七十里之銅關  
鎮東一百里之正陽寨與縣界之方城郭家等寨皆  
關隘之著名往時者又查得東路如獅子寨螺子城  
佛印山南路如金城寨黃城寨相公寨七斗寨滑石  
寨香爐寨西路如碧山寨貓兒山大高峰寨黃貓寨  
帽都寨觀音寨虎城寨係小北路如樂都寨壓白寨  
太白頂小高峰寨成全寨似亦當備紀也若近年因  
邪匪滋擾各處設寨則一時權宜之計耳嘉慶九年

奉文裁撤

梁山縣志

卷三

建置志

場鎮

三

三〇〇〇

平都山 縣南五十六里建有天子殿香火最盛因興

爲場續增



街坊

著一城之勝者有街巷焉或縱之或橫之四達不悖利有攸往各以遠近大小多寡為差於度地居民參相得之遺意庶有合乎至荀子云行有坊表殆坊表二字所由始也然其義本諸書畢命表厥宅里樹之風聲也雖各屬乎一家實有關於闔邑因以昭人傑地靈之盛或先達發名成業或婦女援例

旌廬足令觀者胥克用勸云

縣前至東街出萬壽宮通葫蘆埧萬縣大道

梁山縣志

卷三

建置志

街坊

一三三

縣前至興隆街大公館出南門菩薩頂太平壇

縣前暗礮小丁字街四牌樓至大丁字街出西門外踏

泥礮由頂堰礮通沙河舖川東川北大道大丁字街

右至貞節坊出北門外戴家礮右走煤炭街通露斯

場新開兩縣大道出新街通土門場楊家嘴虎城場

大竹達縣等處

承流坊 治東

宣化坊 治西

文奎坊 為劉志榮建



雲梯坊 爲李文建

文壁坊 爲黃昱建

掇英坊 爲郭毅建

步蟾坊 爲黃政建

雲程坊 爲周信建

登瀛坊 爲張勉建

攀桂坊 爲李默建

折桂坊 爲梅先建

錦標坊 爲黃鎔建

梁山縣志

卷三

建置志

街坊

拔秀坊 爲胡高建

冲霄坊 爲張文質建

飛騰坊 爲曾希賢建

青雲坊 爲胡福建

登榮坊 爲徐文斌建

進士坊 爲涂有祐建

進士坊 爲高射斗建

翰林坊 爲彭省非建

貞烈坊 爲趙烈女建



貞節坊 爲來李氏建

貞節坊 爲古東野氏建

貞節坊 爲馮之銓妻涂氏建

貞節坊 爲曾三賢妻賴氏建

貞節坊 爲生員刁文開之妻游氏建

移峯山坊 縣西五里乾隆庚午 和碩莊親王題

白兔亭坊 崇禎丁丑邑令朱祚宏建

矢志貞操坊 爲監生李德濬之妻曾氏建

畫荻遺徽坊 爲歐陽德明之妻生員衮之母郭氏建

梁山縣志

卷三

建置志 街坊

一鶚橫秋坊 爲張敬建

金壁輝騰坊 爲楊褒建

鵬程萬里坊 爲熊必榮建

鳴鳳朝陽坊 爲吳思榮建

理學名儒坊 爲來知德建

寵沐恩光坊 爲古書第建

聘君仁里坊 爲來知德建

黃甲開先坊 爲戶部主事古之賢建

今之夔龍坊 爲天啓甲子科舉人涂原建



東山勝景坊

衣鉢流芳坊 爲破山禪師建

乾坤正氣坊 爲孝子李資孝建

孝思維則坊 爲孝子葉宗藩建

六天首憲坊 城隍祠貢生王國典建

西來覺路坊 明萬曆時古 建於治東三台山

貞壽之門坊 爲監生董文慧之母王氏百歲建

昇平人瑞坊 爲武生方萬春之父志緒百歲建

貞壽之門坊 爲廩生溫于濬之母劉氏百歲建

梁山縣志

卷三

建置志 街坊

四  
リ  
メ  
ル

節孝兼全坊 爲周劉氏建

匪石盟心坊 爲涂張氏建

冰雪盟心坊 爲劉王氏建

貞德象賢坊 爲節婦戴氏建

五世一堂坊 爲壽婦畢胡氏建

清操雪玉坊 爲扈詩之妻周氏建

正氣流芳坊 爲吳良柱之妻秦氏建

坤維正氣坊 爲姚志學之妻陳氏建

兩間正氣坊 爲秦宏道之妻謝氏建



節範高粱坊 爲秦錫爵妻游氏建

節操冰霜坊 爲曾述聖之妻蔣氏建

節操松筠坊 爲魏國柱之妻王氏建

勁節遐齡坊 爲涂永才之妻劉氏建

貞德凝輝坊 爲監生李東表之妻龔氏建

貞烈總坊 在治東土礮子邑令田秀栗建

忠義總坊 在治東土礮子邑令田秀栗建

附貞烈總坊記 夫心銘金石始可鳴貞氣挾風雷方堪號

污婦中之禮義自防者能不被豺狼所窘貞女烈婦誠哉光爭日月志薄雲霄雖配坤之順而不啻秉乾

梁山縣志

卷三

建置志 街坊

五

八十八

之剛也栗撫高粱歲逢壬戌值烽烟之四起當寇盜之紛乘爰有綺閣嬌姿璇閨淑質或桃夭未賦或梅實初賡驚鞞鼓之頻仍竟簪環之委墮狂蜂競擁香慮中殘浪蝶爭攢花防亂墜而乃才能咏雪志更凌霜豈欲瓦全甯甘玉碎此則刻心示節彼則斷臂明衷一色刀光紅蘸桃花之血幾行鬢影綠隨逝水之波羣泥首於田間倉皇失措共殞身於橋畔顛沛無違謾云女手摻摻金剪猶能殺賊遂使中心耿耿紅粧亦可酬君是蓋結髮之恩深同海水捐軀之報重若泰山殺身成仁舍生取義不讓鬚眉男子咸誇巾幗丈夫仙姿尙爾如生降將能無愧死於戲蕙蘭作質松柏爲操卽今露冷霜寒終覺冰清玉潔又况標芳名於里黨彤管揚徽申實蹟於朝廷青編紀美一朝就死百代猶馨栗彙案請卹因旌表而與有榮建立總坊亦低徊而不忍去

附忠義總坊記 天位乎上日月星辰麗焉地位乎下山川嶽瀆形焉然必賴人之位乎中者其精忠



大義撐持於天地間而愈增日月星辰之輝壯山川  
嶽瀆之色試看古今來忠臣義士氣動風雷威臨宇  
宙炳精靈於既沒發潛德之幽光其英魂烈魄雖死  
猶生而後筆諸史冊傳諸後世較之不合乎義而又  
不免於死者其相懸為何如哉梁邑紳庶有勇知方  
者也栗蒞茲土愧無以教然其忠義本自性生賊未  
至而防守維嚴賊既至而驅除恐後不畏死不倖生  
是以卒獲渠魁而膚功克奏焉其中有被脅不屈臨  
危徇難者有罹鋒鏑而陣亡者其亡也上報  
國恩下衛民命人或逸彼獨勞人或退彼獨進人或安  
彼獨危所為臨敵致果至死不變者無非本其忠貞  
義憤之性而欲與天地同不朽也栗既傷其逝不沒  
其功彙案申詳特膺  
寵錫為之建高坊盡泐其名於上俾過此坊者仰而望  
俯而思庶頑廉懦立感激其忠義之氣云爾因為讚  
曰雲騰甲冑血滿刀鏢忠臣瀝膽志士披肝舍生取  
義慷慨實難坊高  
名卓萬古不刊

梁山縣志

卷三

建置志 街坊

六  
八  
廿  
月

節孝坊 為劉太樾妻王氏建

以下續增

節孝坊 為劉廷傑妻董氏建

節孝坊 為劉萬斗妻王氏建

節孝坊 為譚地隨妻彭氏建

節孝坊 為董法相武妻陳劉氏同建

貞壽坊 為周學明妻李氏建

貞壽坊 為董登崑妻王氏建

貞壽坊 為熊開渭妻周氏建

貞壽坊 為蕭必芳妻周氏百歲建



五世同堂坊 爲李芳蒸妻何氏建

一門雙節坊 爲唐周榕妻鄧氏暨媳 氏建

貞壽之門坊 爲處士張永貴妻傅氏百歲建

節堪風世坊 爲柏時汪妻曹氏建

志凜冰霜坊 爲董基緒妻譚氏建

五世同堂坊 縣西十八里爲奉直大夫蕭清宴之妻

孫太宜人建宜人現年九十六歲 欽賜七葉衍祥

匾額 續增

百歲坊 爲李朱氏建

梁山縣志

卷三

建置志 街坊

熊公坊 爲邑侯燮臣建






地 280.255

39

14

川  
山  
目  
生  
屯

卯





梁山縣志卷三 中

壇廟 祀典附

周官宗伯禋祈宜報厥典其蕃也我

皇上德馨昭著咸秩明禋以通幽明之故凡所以教民昭誠敬廣仁孝者至備固宜星辰就位神祇來格矣

會典所載敬謹遵行 武廟之祀比於 文廟 文昌之祀埒於 武廟誠為盛典即

國家祀事所不及而比閭族黨間香火之情所從來久尸而祝之禱或有應從宜從俗如其舊可耳

梁山縣志

卷三

建置志

壇廟

社稷壇

縣西豐勝門外明知縣吳珏建

按有民人

而後有社稷社主土勾龍氏配稷主穀后稷氏配蓋

祀五土五穀之神也山川林澤邱陵墳衍原隰為五

土黍稷稻菽麥為五穀稷非土無以生土非稷無以

見生之之效周禮大司徒設其社稷之壇而樹之田

主各以其野之所宜木遂以名其社與野大宗伯以

血祭祭社稷凡祭社壇用大罍社之日涖卜來歲之

稼此立祀所由始也社稷之祀通於上下唐開元中

定郡縣祭儀不一惟祝文可採





祭社文

惟神德兼博厚道著直方載生品物含養庶類謹因  
仲春秋祇率常禮恭以制幣犧齊粢盛庶品備茲明薦  
用伸報本以后土勾龍氏配神作主尚饗

祝勾龍氏神文

爰茲仲春秋厥日惟戊敬修常祀薦於社神惟神功著  
水土平易九州昭配之義實隆祀典謹以牲齊粢盛  
庶品式陳明薦作主佑神尚饗

祭稷文

梁山縣志

卷三

建置志

壇廟

二

川川子

惟神播生百穀首茲八政用而不匱功濟氓黎恭以  
制幣犧齊粢盛庶品祇奉舊章備茲禋禮以后稷棄  
醜神作主尚饗

祝后稷神文

爰以仲

春秋

恭修常禮薦於稷神惟神功

叶稼穡闡修農政允茲從祀用率舊章謹以牲齊粢  
盛庶品式陳明薦作主配神尚饗

皇清定制社以石主而稷仍用木雍正七年三月初七欽奉  
諭旨直隸各府州縣設立壇墀致祭社稷及風雲雷雨山川  
城隍之神每歲春秋展祀以崇報享典至重也從前初建之



時有式或視爲具文規制未必周備及歷年既久漸有傾圮之處又未必及時修葺是以僻遠之郡縣規模簡略禮儀草率者往往有之甚非肅將禋祀之本意也著禮部查照定例行文各該督撫轉飭府州縣敬謹如式修理以重祀典仍令造冊報部每遇該官員陞遷事故照例造入交盤冊內查明接受庶有司自顧考成經理益加虔恪矣特諭欽此經禮部通行欽遵修理如式雍正十年奉

旨頒行 南壇祀典

築城之南郊座向北方

梁山縣志

卷三

建置志 壇廟

三

川〇上

地廣袤二畝有奇壇方二丈五尺高二尺四寸出陛各三級壇前九丈五尺東西南各五尺周繞以牆石主長二尺五寸方一尺埋於壇上正中近南二尺五寸露圓尖於外

神牌以木爲之高二尺二寸濶四寸五分座高四寸五分濶八寸五分朱漆青字祭畢藏之牌一書

縣社之神居東一書

縣稷之神居西

每歲仲春上戊日致祭



陳設

爵三 筐二 帛黃色各長一丈八尺 俎二羊豕

簋二黍稷 簋二稻粱 釔二和羹 邊四形鹽藁魚

棗栗 豆四韭菹醢醢菁菹鹿醢 香燭儀注與

文廟同無啟戶闔戶升堂為升壇

祝文

年月日某官致祭于社之神曰維

神莫安九土粒食萬邦分五色以表封圻育三農而蕃稼

稽恭承守土肅展明禋時屆仲春敬修祀典庶丸丸松

梁山縣志

卷三

建置志 壇廟

四 川川

柏鞏磐石於無疆翼翼黍苗佐倉箱於不匱尙饗

風雲雷雨山川壇 縣東一里 按周禮有風師雨師漢

以丙戌日記風師于戌地以己丑日記雨師於丑地唐

元宗祀雨師雷師同壇宋人祀風師于西郊祠以立春

後丑日記雨師于北郊祠以立春後申日以雷從雨師

之位以山川社稷合祭元以風雲雷雨附于社稷明洪

武初定制立山川壇于城西北風雲雷雨壇于城西南

用驚蟄秋分日告祀雨暘時若雷霆收聲六年癸丑合

山川風雲雷雨于一壇祭之十四年又以本縣城隍合



祭於壇陸清獻曰城隍既壇事之矣而又有廟春秋二祭則于壇朔望行香則于廟亦于彼于此之意歟

大清會典各省府州縣風雲雷雨山川城隍之神共一壇設

三神位風雲雷雨居中山川居左城隍居右每歲春秋

仲月用上戊日致祭祭用制帛七

風雲雷雨帛四山川帛二城隍帛一

俱白色祭品羊一豕一鉶一邊四豆四簋簋各二

邊豆等俱

用磁器陳設行禮 雍正十一年奉

旨頒行 北壇祀典

築城之北郊座向南方

### 梁山縣志

### 卷三

建置志 壇廟

五

地壇與 社稷同 無石主

神牌制與 社稷同一書

風雲雷雨之神居中一書

本縣境內山川之神居左一書

本縣城隍之神居右

每歲仲春仲秋上戊致祭

陳設與 社稷同 篋七帛白色

儀注與 社稷同 無瘞毛血

祝文



年月日某官致祭於風雲雷雨山川城隍之神曰維神贊襄天澤福佑蒼黎佐靈化以流形生成永賴乘氣機而鼓盪溫肅攸宜磅礴高深永保安貞之吉憑依鞏固實資捍禦之功幸民俗之殷盈仰神明之庇護恭修歲祀正值良辰敬潔豆籩祇陳牲幣尚饗

先農壇 縣東樂善門外雍正五年署知縣朱岳楷修建按易曰神農氏作斲木爲耜揉木爲耒是教稼之功神農先於后稷重農事固宜祭先嗇也雍正四年八月初九日欽奉

梁山縣志

卷三

建置志 壇廟

六

諭旨國以民爲本民以食爲天朕每歲躬耕籍田並非崇尚虛文以爲觀美實是敬天勤民之至意禮曰天子爲籍千畝諸侯百畝據此則耕籍之禮亦可通於臣下矣朕意欲令地方守土之官俱行耕籍之禮使之知稼穡之艱難悉農民之作苦量天時之晴雨察地力之肥磽如此則凡爲官者皆時存重農課稼之心則凡爲農者亦斷無苟且怠惰之習似與養民務本之道大有裨益著九卿詳議具奏特諭欽此九卿遵

旨議覆通行直省府州縣雍正九年奉



旨各州縣舉報農官恩給頂以司農祠宣講  
聖諭 奉

旨頒行 先農壇祀典

籍田四畝九分壇高四尺一寸寬二丈五尺壇後建正  
房三間配房各一間正房中間供奉

神牌東間存貯祭器農具西間收貯籍田米穀配房東間  
置辦祭品西間令看守農民居住壇廟籍田之外周圍  
築土爲牆開門南向

神牌與 社稷同紅牌金字填寫

梁山縣志

卷三

建置志

壇廟

七  
川  
八  
三

先農之神

農具赤色牛黑色籽種箱青色所用籽種悉照各處土

宜

每年仲春月候 部頒吉期舉行

陳設儀注與 社稷同

各官穿朝服行禮換蟒袍補服耕籍

正印官秉耒佐貳執青箱播種用耆老一人牽牛各官  
俱用右手扶犁左手執鞭各行九推禮農夫終畝耕畢  
各官率耆老農夫望



闕行三跪九叩禮仍將遵行耕籍日期具報

祝文

年月日某官某致祭於先農之神曰維

神肇興稼穡粒我烝民頌思文之德克配彼天念率育之功陳常時夏茲當東作咸服先疇洪惟九五之尊歲舉三推之典恭膺守土敢忘勞民謹奉彝章聿修祀事惟願五風十雨嘉祥常沐於

神庥庶幾九穗雙歧上瑞頻書乎大有尙饗

八蜡 按郊特牲云天子大蜡八一先嗇二司嗇三農神

梁山縣志

卷三

建置志 壇廟

八

川×××

四郵表綴五貓虎六防七水庸八昆蟲先嗇者神農也司嗇者后稷也農者田畯也郵表綴者綴井田間道也謂畫疆分理若郵亭之爲表于綴祀其始事之人也貓食田鼠虎食田豕迎其神而祭之也防者謂昔爲隄防之人使吾禦水患也水庸者謂昔爲畝澮溝洫之人使吾備旱潦也昆蟲者謂蝗蝻螟螽蝻蝻之屬有所司之人能驅除之也又伊耆氏始爲蜡蜡者索也歲十二月合聚萬物而祭之也夏后氏更名曰嘉平殷曰清祀周復曰大蜡秦曰臘是也祭以歲十二月初八日



大清會典郡縣均設歲時致祭雍正十一年

詔有司歲十二月上戊日致祭先嗇司嗇居正位東上餘六神稍後一尺分左右儀物如祭先農制卽先農壇祀之乾隆十二年 部議歸并先農壇配食不必特祭今祭先農壇日遵照設立牌位

零祭 乾隆七年奉

旨頒行零祭禮

每歲孟夏行常零禮不另立零壇卽於先農壇行禮並合配社稷山川諸神牌位

梁山縣志

卷三

建置志 壇廟

九

祝文 乾隆九年頒

年月日某官致祭於社稷 先農 山川之神曰恭膺

詔命撫育羣黎仰體

彤廷保赤之誠勤農勸稼俯維蔀屋資生之本力穡服田令甲爰頒聿舉祈年之典惟寅將事用申守土之忱黍稷惟馨尚冀昭明之受賜來牟率育庶俾豐裕於蓋藏尚饗

崇祭 乾隆七年奉

旨頒行崇祭禮



旱歲祭雩祈雨潦則禳祭城門祈晴

祝文

年月日某官致祭於城門之神曰

詔命臨民職司守土惟非人之攸賴並藉

神功冀四序之常調羣蒙福蔭必使雨暘應候爰占物  
阜而民安庶其寒燠咸宜共慶時和而歲稔仰靈樞之  
默運聿集嘉祥襄元化以流行俾無災害尙饗

按雩祭有常雩有因旱而雩左傳龍見而雩註角亢見  
時周之六月也陽氣盛故雩杜預曰雩之爲言遠也遠

梁山縣志

卷三

建置志

壇廟

十

川九三

爲百穀祈膏雨鄭康成曰雩者吁也吁嗟而請雨周禮  
司巫若國大旱帥巫而舞雩稻人旱暵供其雩斂是也  
禋祭周禮黨正春秋祭禋謂祭日月星辰水旱春秋昭  
公三年冬大雨雹左氏傳謂山川之神則水旱癘疫之  
灾日月星辰之神則雪霜風雨之不時於是乎禋之是  
也又莊公二十五年秋大水鼓用牲於社於門馬端臨  
文獻通考久雨禋祭國門州縣禋祭城門設神座皆內  
向此禋祭城門本於左氏與周禮禋祭頗似不同祭法  
國門國行皆有祭初不因水潦而設乾隆七年禮部議



覆御史徐以升條陳祈雨事宜一摺奏准

勅下各省督撫轉飭各府州縣孟夏擇日行常雩禮或有亢旱每七日先祭界內山川次祭社稷致齋虔禱雨澤不得用大雩禮亦不必另設雩壇卽於社稷籍田等處恪恭將事或霪潦爲災則伐鼓用牲祭於社毋庸於各壇祈禱若僧道建壇諷經乃宋時相沿於寺觀祈雨建置道場實非經義古制應停止

邑厲壇 縣北永安門外 按邑有厲壇蓋倣古泰厲公

梁山縣志

卷三

建置志

壇廟

十一

厲之祭也滯魄孤魂可以得食鄭子僑所謂鬼有所歸乃不爲厲者亦卽古王澤及枯骨推廣仁孝之心乎明洪武八年令直省府州縣各設無祀鬼神壇二十九年以濟福所議定式頒行天下

每歲春清明秋七月望日冬十月朔日

國朝奉

旨頒行厲壇祀典

每歲春清明日秋七月望冬十月朔致祭

先期一日主祭官齋戒補服備香燭酒果詣城隍廟就



位一跪三叩詣神位獻爵讀告文復位一跪三叩禮畢  
陳設

城隍牌位設於壇上祭物用一羊一豕饌與 社稷同無  
帛

無祀鬼神牌位設於壇下左右相向祭物用一羊一豕  
解作殺置於磁盤酒三湯三飲五肉五

儀注

承祭官就位一跪三叩詣 城隍位前跪獻三爵興復  
位一跪三叩禮畢

梁山縣志

卷三

建置志 壇廟

三

告城隍文

某縣遵承禮部劄付為祭祀本縣無祀鬼神該  
欽奉

皇帝聖旨普天之下后土之上無不有人無不有鬼神人鬼  
之道幽明雖殊其理則一今

國家治民事神已有定制尚念冥冥之中無祀鬼神昔為  
生民未知何故而沒其間有遭兵刃而死者有死於水  
火賊盜者有被人取財而逼死者有被人強奪妻妾而  
死者有遭刑禍而負屈死者有天災流行而瘟疫死者



有爲猛獸毒蛇所害者有爲饑餓冷凍死者有因戰鬥而殞身者有因危急而自縊者有因牆屋傾墮而壓死者有死後無子孫者此等鬼魂或終於前代或沒於近世或兵戈擾攘流移於他鄉或人煙斷絕久缺其祭祀姓氏泯沒於一時祀典無闕而不載此等孤魂死無所依精魄未散結爲陰靈或倚草附木或作爲妖怪悲號於星月之下呻吟於風雨之時凡遇人間節令心思陽世魂杳杳以無歸身墮沉淪意懸懸而望祭興言及此憐其慘悽故勅天下有司依時享祭命本處城隍以主

此祭鎮控壇場監察諸神等類其中果有生爲良善誤遭刑禍死於無辜者神當達於所司使之還生中國永享太平之福如有素爲兇頑身免刑憲雖獲善終亦出僥倖神當達於所司屏之四外善惡之報神必無私欽奉如此今某等不敢有違謹於某年某月某日於城北設壇置備牲酒湯飲享祭本縣無祀鬼神等眾然幽明異境人力難爲必須神力庶得感通今特移文於

神先期分遣諸將召集本縣闔境鬼靈等眾至日悉赴壇所普享一祭



神當欽承

勅命鎮控壇場監察善惡無私昭報爲此合行牒移請照驗  
欽依施行

祭無祀鬼神文

維年月日具官某等遵承禮部劄付爲祭祀本縣闔境  
無祀鬼神等眾事該欽奉

皇帝聖旨普天之下后土之上無不有人無不有鬼神人鬼  
之道幽明雖殊其理則一故天下之廣兆民之眾必立  
君以主之君總其大又設官分職於府州縣以各長之  
各府州縣又於每百戶內設一里長綱領之上下之職  
綱紀不紊此治人之法如此

天子祭

天地神祇及天下山川王國各府州縣祭境內山川及祀典  
神祇庶民祭其祖先及里社土穀之神上下之禮各有  
等第此事神之道如此尚念冥冥之中無祀鬼神昔爲  
生民未知何故而沒其間有遭兵刃而橫傷者有死於  
水火盜賊者有被人取財而逼死者有被人強奪妻妾  
而死者有遭刑禍而負屈死者有天災流行而瘟疫死

梁山縣志

卷三

建置志

壇廟

七

川〇文



者有爲猛獸毒蛇所害者有饑餓而凍死者有因戰鬥而殞身者有因危急而自縊者有因牆屋傾墮而壓死者有死後無子孫者此等孤魂或終於前代或沒於近世或兵戈擾攘流移於他鄉或人煙斷絕久缺其祭祀姓名泯沒於一時祀典無闕而不載此等孤魂死無所依精魄未散結爲陰靈或倚草附木或作爲妖怪悲號於星月之下呻吟於風雨之時凡遇人間節令心思陽世魂杳杳以無歸身墮沈淪意懸懸而望祭興言及此憐其慘悽故勅天下有司依時享祭在京都有泰厲之

梁山縣志

卷三

建置志 壇廟

五

川文一

祭在王國有國厲之祭在各府各州有郡厲之祭在各縣有邑厲之祭在一里又各有鄉厲之祭期於神依人而血食人敬神而知禮仍命本處城隍以主此祭欽奉如此今某等不敢有違謹設壇於城北以三月清明日七月十五日十月初一日置備牲醴羹飯專祭本縣合境無祀鬼神等眾靈其不昧永享此祭凡我一縣境內人民倘有忤逆不孝不敬六親者有姦盜詐僞不畏公法者拗曲詐直欺壓善良者有躲避差徭靠損貧戶者似此頑惡姦雄不良之徒神必報於城隍發露其事使



遭官府輕則笞決杖斷不得號為良民重則流徒絞斬  
不得生還鄉里若事未發露必遭陰譴使舉家並染瘟  
疫六畜田蠶不利如有孝順父母和睦親族畏懼官府  
遵守禮法不作非為善良正直之人神必達於城隍陰  
加護佑使其家道安和農事順遂父母妻子保守鄉里  
我等合縣官吏如有上欺

朝廷下罔良善貪財作弊蠹政害民者靈必無私一體昭報  
如此則鬼神有監察之明官府非諂諛之祭尙饗

關帝廟 縣東邑令王冕建康熙三十三年邑令李倡募

梁山縣志

卷三

建置志

壇廟

七

川上七

移建城南桂溪橋前嘉慶十二年邑令符永培匾額曰  
玉白竹節四鄉共十八處東路一涼店舖一葫蘆壩一  
石家場一白兔亭南路一觀音場一麻柳場一赤牛城  
一沙壩場一石柱坪一仁和場西路一城外半邊街一  
沙河舖共二處一楊家嘴一袁壩驛一老營場一虎城  
場北路一護城寨

按神漢封漢壽亭侯後主景耀三年追謚壯繆侯宋哲  
宗紹聖三年賜帝玉泉祠額曰顯烈廟徽宗崇甯元年  
追封忠惠一作直公又封崇甯真君大觀二年加封武安



王宣和五年勅封義勇武安王高宗建炎二年加封壯  
繆義勇王孝宗淳熙十四年加封英濟王勅曰生立大  
節與天地以並傳沒爲神明亘古今而不朽荆門軍當  
陽縣列神壯繆義勇武安王名著史冊功存生民一方  
所依千載如在凡有禱於水旱雨暘之際若或見於焄  
蒿悽愴之間英烈言言可畏而仰廟貌奕奕雖遠益新  
爰啟王封仍加美號豈特顯爾神威德之盛亦以慰此  
邦父老之情尚祈靈助服我休顯可特封壯繆義勇武  
安英濟王奉勅如右牒行淳熙十五年十一月二十一

梁山縣志

卷三

建置志

壇廟

七

曰元文宗天曆元年封顯靈義勇武安英濟王明太祖  
洪武元年初都金陵城中建十四廟一曰漢前將軍壽  
亭侯廟以四孟朔日歲暮除日應天府官主祭又有仲  
夏太常之祭祭以少牢自是香火徧天下窮鄉僻壤皆  
祀之正德四年賜廟曰忠武嘉靖十年南京太常寺少  
卿黃芳始奏改請漢前將軍漢壽亭侯假節鉞蓋漢壽  
本封邑在今犍爲亭侯爵第五等在國侯邑侯關內侯  
鄉侯之下今人以侯仕漢以壽亭侯爲封爵非也本諡  
壯繆繆與穆同用傷武功之不成今人爲神諱不書諡



亦非也萬曆十八年加封帝號特頒衮冕肆覲圖首冕服次巾幘又次公幘又賜額顯祐二十三年賜坊名義烈又勅解州廟名英烈四十二年十月司禮太監李恩始齋九旒冠玉帶龍袍金牌勅封三界伏魔大帝神威遠震天尊關聖帝真君頒知天下然太常祭祀則仍舊稱史官焦竑曰稱漢前將軍侯志也天啟元年太常少卿李宗延有修明祀典疏一曰封號宜重漢壽亭侯太祖建廟於雞鳴山南成祖建廟於宛平縣東本寺出香帛等物每歲致祭至成化十三年奉勅重建屹然宸居

梁山縣志

卷三

建置志

壇廟

六

川上

之北永作臣民之瞻列聖相承崇奉無斁臣於本年正月親詣本廟內標三界伏魔大帝神威遠鎮天尊關聖帝君冠冕俱係帝服然本寺職掌初無憑也如訛傳勅封自有三尺倘果係皇祖加恩不妨命閣臣撰制容本寺先行改正然後通行天下此封號所當攷核者也按此則帝封非朝議矣及天啟四年七月禮部覆題得旨祭始稱帝是時魏闈爲政宜其無改李恩之舊耳

國朝順治九年

勅封忠義神武關聖大帝每歲五月十三日致祭祝文曰惟



帝純心取義亮節成仁允文允武乃聖乃神功高當世  
德被生民兩儀正氣歷代名禋英靈丕著封號聿新敬  
修歲事顯佑千春尚饗雍正三年

詔令天下郡縣春秋祀關帝以太牢又追封三代公爵  
曾祖光昭公

祖裕昌公

父成忠公

勅建三公祠每年春秋祭祀乾隆五年

詔凡祠廟祀關帝不得塑側坐像十二年奉文上下移文封

梁山縣志

卷三

建置志

壇廟

九

1181

筒俱避帝諱緊要公文封筒改寫雙飛字樣二十五年

詔改謚神武爲神勇乾隆三十三年

詔加謚忠義神勇顯佑

咸豐三年六月丙奉

諭旨

關帝封號於忠義神武靈佑仁勇威顯護國舊封號下加保

民二字咸豐三年十月丙奉

上諭禮部等衙門議奏

關帝升入中祀禮節一摺我朝尊崇



關帝祀典攸隆仰荷

神威叠昭顯佑本年復加崇

封號並升入中祀茲據禮部等衙門詳覆禮節謹擬具奏著

照所議自明年春季為始悉照中祀禮舉行樂用六成

舞用八佾以昭崇奉而答

神庥餘依議欽此同日本部滿左侍郎穆署滿右侍郎瑞

面奉

諭旨五月十三日

關帝聖誕毋庸禁止屠宰欽此

梁山縣志

卷三

建置志 壇廟

三

欽頒神功佑順匾額四字

春秋二祭樂章

咸豐四年春月製譜

春祭樂章

春夾鐘清均

倍應鐘起調

簫伏除

仁

笛伏除

迎神奏格平之章

懿

變宮

鑠商

兮

角

焜

徵

煌

角

神

伍

威

羽

靈

宮

兮

伍

赫

羽

八

宮

方

羽

偉

伏

烈

伏

昭

伍

兮

伏

累

伏

禩

伏

祀

伏

事

伏

明

伍

兮

伏

永

伍

光

仕

達

仕

精

伍

誠

伏

兮

伏

黍

伏

稷

伏

馨

伏

香

仕

儼

伏

如

伏

在

仕

兮

伏

洋

伏

洋

伏



奠帛初獻奏胡平之章

英仇風仇翊仇兮仇神伍格伍思仇紛仇綺仇蓋

仕兮龍仇旗仇斝仇桂仇醕仇兮伍盈伍卮仇

香仇始仇升伍兮仇明仇粢仇惟伍降仇鑿仇兮伍

在仇茲仇流仇景仇祚仇兮伍胡仇昌仇時仇

亞獻奏恢平之章

觴仇再仇酌仇兮伍告仇虔伍舞仇干仇戚伍兮仇

合仇宮伍懸仇歆仇苾伍芬仇兮伍潔伍蠲仇扇

仇巍顯仇異伍兮仇神仇功仇宣仇

梁山縣志

卷三

建置志 壇廟

三

終獻奏靖平之章

鬱仇鬯仇兮伍三伍申伍羅仇籩仇簋仇兮伍畢仇

陳仇儀仇卒伍度伍兮伍肅仇明仇禮伍神伍降

伏福兮伍宜仇民仇宜仇人仇

徹饌奏奠平之章

物仇惟仇備伍兮伍咸仇有仇明伍德仇惟伍馨仇

兮仇神仇其伍受仇告仇徹仇兮伍禮伍終仇罔

伏咎仇佑我仇家伍邦伍兮仇孔仇厚仇

送神奏康平之章

其一



幢仇葆仇歲仇蕤伍兮仕神伍聿伍歸仕馭仇鳳

伍軫仇兮仇驂伍虬仇駢仇降仇烟仕焜伍兮仕餘

伍粉仇馡仕願仇回仇靈仕盼伍兮仕德仇洽仇明

仇威仇

### 望燎奏康平之章

焘仇蒿仇烈仇兮伍燎仇有仇輝伍神伍光仕遙伍

燭仇兮仕祥仇雲伍霏仇祭仇受伍福仇兮仇茂仇

典仇無伍違仕庶仇揚仇駿仕烈仇兮伍永仇奠仇

置仇畿仇

## 梁山縣志

### 卷三

建置志

壇廟

### 三

一三

秋祭樂章 秋南呂清均 仲呂起調 簫仇除伍笛

仕除伍

### 迎神奏格平之章

懿角鑠徵兮羽焜宮煌羽神宮威商靈角兮宮赫商

八角方商偉仕烈仇昭仇兮仕累仇禩仕祀仇事

仇明仇兮仇永仇光仇達仇精仇誠仇兮仕黍仇稷

仕馨仇香仇儼仇如仕在仇兮仕洋仇洋仇

### 奠帛初獻奏翊平之章

英仇風仇颯仕兮仇神仇格仇思仇紛仇綺仇蓋



侃兮侃龍侃旗侃  
軒侃桂侃醕侃兮侃盈侃卮侃

香侃始侃升侃兮侃明侃燦侃  
惟侃降侃鑿侃兮侃

在侃茲侃流侃景侃祚侃兮侃翊侃  
昌侃時侃

亞獻奏恢平之章

觴侃再侃酌侃兮侃告侃虔侃  
舞侃干侃戚侃兮侃

合侃宮侃懸侃  
歆侃苾侃芬侃兮侃潔侃蠲侃  
扇

侃巍侃顯侃翼侃兮侃  
神侃功侃宣侃

終獻奏靖平之章

鬱侃鬯侃兮侃三侃申侃  
羅侃籩侃簋侃兮侃畢侃

梁山縣志 卷三 建置志 壇廟 三

陳侃儀侃卒侃度侃兮侃肅侃  
明侃禮侃神侃降

侃福侃兮侃宜侃民侃宜侃人侃

徹饌奏彝平之章

物侃惟侃備侃兮侃咸侃有侃  
明侃德侃惟侃馨侃

兮侃神侃其侃受侃  
告侃徹侃兮侃禮侃終侃罔

侃咎侃佑侃我侃家侃邦侃兮侃  
孔侃厚侃

送神奏康平之章 其一

幢侃葆侃葳侃蕤侃兮侃  
神侃聿侃歸侃馭侃鳳

侃軫侃兮侃驂侃虬侃駢侃  
降侃烟侃煜侃兮侃餘



伏伏 盼伏 馘伏 願伏 回伏 靈伏 盼伏 兮伏 德伏 洽伏 明伏  
伏伏 威伏

望燎奏康平之章 其二

焄伏 蒿伏 烈伏 兮伏 燎伏 有伏 輝伏 神伏 光伏 遙伏

燭伏 兮伏 祥伏 雲伏 霏伏 祭伏 受伏 福伏 兮伏 茂伏

典伏 無伏 違伏 庶伏 揚伏 駿伏 烈伏 兮伏 永伏 奠伏

亶伏 畿伏

春秋二季祝文

惟

梁山縣志

卷三

建置志 壇廟

三

1183

神星日英靈乾坤正氣允文允武紹聖學於千秋至大至

剛顯神威於六合仰聲靈之赫濯崇典禮於馨香茲當

仲春同伸時饗惟祈昭格克鑒精虔

五月十三日告祭祝文

惟

神九宇承庥兩儀合撰崧生嶽降湖誕聖之靈辰日午天

中居恢台之令序聰明正直壹者也千秋徵臍蠻之隆

盛德大業至矣哉六幕肅馨香之薦爰循懋典式展明

禮苾芬時陳精誠鑒格



咸豐五年七月內奉

上諭太常寺奏遵查

關帝先代封爵應否推崇加封請旨一摺前以

關帝神威顯佑特加封號並升入中祀茲據太常寺查明

關帝先代封爵並應否援照

文廟崇聖祠例加封請旨定奪自應敬謹加封三代

曾祖光昭公著加封爲光昭王

祖裕昌公著加封爲裕昌王

父成忠公著加封爲成忠王所有應辦事宜著該衙門查例

梁山縣志

卷三

建置志

壇廟

三

川八八

具奏欽此

後殿春秋二季祝文

惟

王世澤覃麻令儀裕後靈鍾河嶽篤生神武之英誠溯淵

源宜切尊崇之報班爵超躬桓而上升香肅俎豆之陳

茲際仲

春秋

爰修祀事尙祈昭鑒式此苾芬

後殿五月十三日告祭祝文

惟

王廸德承家累仁昌後崧生嶽降識毓聖之有基本本水



源宜推恩之及遠封爵特超於五等馨香永薦於千秋  
際仲夏之屆時命禮官而將事惟祈昭格鑒此精虔

每歲春秋二季陳設 帛一 爵三 牛羊豕

核桃 荔枝 龍眼 棗 栗

儀注

通擊初鼓 擊二鼓 擊三鼓 闢戶 執事者各司

其事 排班 班齊 承祭官就位引就位通陪祭官

與祭官各就位引就位通瘞毛血 迎神樂奏格平之

章歌詩畢 上香 樂作引承祭官出位詣盥洗所濯水

梁山縣志

卷三

建置志 壇廟

三

川一上三

淨巾詣

忠義神武靈佑仁勇威顯護國保民關聖大帝之神位前跪

上香二上香三上香叩首起平身復位通樂止 參神

樂作引跪叩首叩首三叩首起跪叩首叩首六叩首

起跪叩首叩首九叩首起通樂止 奠帛爵行初獻禮

樂奏翊平之章歌詩畢 樂作引承祭官出位詣酒尊所

司尊者酌酒獻於

忠義神武靈佑仁勇威顯護國保民關聖大帝之神位前跪

獻帛奠爵叩首起平身復位通樂止 讀祝文引承祭



官出位詣讀祝文位前跪讀祝文通眾官俱跪引讀祝

文畢引叩首叩首叩首起通眾官俱起通奠帛爵行亞

獻禮樂奏恢平之章歌詩畢通樂作引如初獻儀畢通

樂止 奠帛爵行終獻禮樂奏靖平之章歌詩畢通樂

作引如亞獻儀畢通樂止 飲福受胙樂作引承祭官

出位詣福胙所跪通眾官俱跪引飲福酒受福胙叩首

叩首叩首起通眾官俱起引平身復位通樂止 謝胙

樂作引跪叩首叩首三叩首起跪叩首叩首六叩首

起跪叩首叩首九叩首起通樂止 徹饌樂奏彝平之

梁山縣志

卷三

建置志 壇廟

三

川X8

章歌詩畢送神樂奏康平之章歌詩畢通樂作引跪叩

首叩首三叩首起跪叩首叩首六叩首起跪叩首叩首

九叩首起通樂止 執帛者捧帛執爵者捧爵讀祝者

捧祝各詣燎所 望燎引各官出位詣望燎位前焚帛

文一道彙以酒焚帛文二道彙以酒焚帛文三道彙以

酒復位 闔戶 禮畢 班徹

咸豐七年七月

欽頌萬世人極匾額著直省府州縣一體懸掛

後殿儀注與 關帝同陳設無牛



聖祖石槃公諱審字問之生於永平二年庚寅歲居解州

常平村寶池里生平冲穆好道以易春秋訓 聖父享

壽六十有八卒於桓帝永壽三年

聖父諱毅字道遠性至孝居聖祖喪廬墓三年既免喪於

桓帝延熹三年六月二十三日篤生 聖帝而後人多

以五月十三為聖帝神誕不知實 聖帝長子平之誕

辰也此從宜昌府大南門關帝廟碑上錄出

武廟脚菴界址

梁邑 武廟即 文廟後山來龍落脈秀毓兩廟雍正

梁山縣志

卷三

建置志 壇廟

三

川文

三年邑令王以東較場改作先農壇 武廟缺於焚獻

將北門外挨城河壩隙地設為較場乾隆十八年邑令

李又以北路橫山寺廢產撥為 武廟脚菴飭紳耆照

寺古鐘所載四至訂界招佃二處共糧四斗一升二合

八勺每年收租息完國課外以備 武廟用費刊有碑

石歷年既久廟宇就圯鐘碑亦被剝削嘉慶十三年六

月據紳士劉三陽許彪刁思恭羅元達陳治禮石吉亮

邀闔邑紳耆寺鄰人等照原鐘並先年與寺鄰張宗先

定界合約并近日四隣接壤之處定明原至建立界石



共五十塊具稟公懇增入縣志杜後來侵佔之弊  
計開橫山寺古鐘所載界址

東至黃草坪張宗先荒田爲界又齊大偏巖界上抵父  
手嶺分水爲界又抵生基墳嶺爲界

南至石了子李姓熟田爲界上抵分水嶺下齊大水溝  
爲界

西至石巖洞大水溝石嶺子熟田爲界

北至黃姓山石嶺爲界又抵杜姓河溝爲界

文昌廟 一在治西城內明成化中知縣吳珏建嘉慶十

### 梁山縣志

### 卷三

建置志

壇廟

三

川又川

二年邑令符永培匾額曰斯文主宰一在西路沙河舖  
一在平井舖一在南路馬家場一在赤牛城一在北路  
按文昌乃天神三代以上天神地祇無有廟而祭者世  
乃號爲文昌帝君咸塑像焉明景泰五年勅賜文昌宮  
額學校祀之明艾南英曰考之天官書及漢晉二志斗  
魁戴筐六星曰文昌宮一曰上將二曰次將三曰貴相  
四曰司命五曰司中六曰司祿然則六星無所不統非  
獨以文而已也及觀王氏見聞諸書則謂帝君十七世  
爲士大夫至西晉末生於越嶲張氏始跨白驢而仙掌



司文章之籍而棲其神於蜀之梓潼夫斗爲帝車運乎中央而文昌六星居其斗柄自開闢已然初無待於人之神以司之况自周迄晉凡二千年豈生民之初經歷世數必虛其職以至於晉而後專屬之帝君耶抑帝君文武忠孝實鍾文昌之精若所謂嶽降申生者不然則英秀奇麗之氣死而不朽上比列星若傳說之騎箕尾皆未可知也

國朝全祖望曰星宿之名多出於甘石以後而緯書又從而溷之皆不足信是以康成亦自支離分別謂大宗伯

### 梁山縣志

### 卷三

建置志 壇廟

三

川志

之司命則文昌第四星之神也祭法司命是督察三命之小神也其神各別惟是三命之說見於孝經援神契固誣罔而文昌之名亦不古然且無問其是否同異要之大夫而下無祭天神者今世文昌之祭謂其爲梓潼人又有十七世輪迴之說在周爲張仲在漢爲張良在六國爲姚萇又最後而其姓名爲張亞子又或曰卽張仙也則以文昌之神督察三命之神忽而入於仙佛之說矣 李調元曰帝君廟在梓州梓潼縣本梓潼神也舊記云神本張亞子仕晉戰死而廟存唐明皇狩蜀神



迎於駟馬橋追命左丞相僖宗播遷亦有助封濟順王  
咸平中益卒爲亂王師討之忽有人跣曰梓潼神遣我  
來九月二十日城陷果克四年州以狀聞故命追封英  
顯王俱見事物紀原宋理宗景定五年三月二十九日  
封神父聖武孝德忠仁王宋度宗咸淳五年月日加封  
神父顯慶慈佑仁裕令德王神母昭德積慶慈淑恭慧  
妃清河元累封輔元開化文昌司祿宏仁帝君萬曆左  
內傳司獨孤氏七月十五日生因斬邛州蜃功累封八字王  
今掌文昌左班封廣佑嘉應昌澤孚惠王右司李斌八

梁山縣志

卷三

建置志 壇廟

三

月十五日生以破苻堅功累朝加封八字王今掌文昌

右班加封英惠忠烈翼濟正佑王

清河內傳梓潼文昌君從者曰天龔地啞

蓋不欲人之聰明用盡故假龔啞以寓意夫天地豈可以龔啞哉王達蠡海錄

元仁宗延祐三

年七月日加封輔元開化文昌司祿宏仁帝君主者施行勅曰上天眷命皇帝聖旨維明有禮樂惟幽有鬼神妙顯微之一貫在天爲星辰在地爲河嶽形功用於兩間矧能陰隲於大猷必有對揚之懋典蜀七曲山文昌梓潼帝君光分張宿友詠周詩相予泰運則以忠孝而左右乎斯民柄我坤文則以科名而選造乎多士每禦



救於災患彰感召於勸懲貢舉之令再頒考察之籍先定賁飾雖加於渙汗徽稱未究於朕心於戲予欲人才輩出爾丕炳江漢之靈予欲文治昭宣爾濬發奎壁之府庶臻嘉貺以答寵光道經云二月初三是日文昌帝君誕翰墨大全原無名氏二月初三帝君生辰疏云北極建卯方新三月之杓西蜀生辰誕應五雲之瑞瑤池啟宴寶闕騰歡恭惟帝君名震梓潼職嚴桂籍銀鈞鐵畫盡入神出聖之能玉句金章致泣鬼驚人之妙輔佐元天之主闡揚周易之靈某仰獻兕觥俯陳燕賀億千

梁山縣志

卷三

建置志 壇廟

三

川文川

葛綿延之壽劫劫長存九十四變化之身如如不動按唐孫樵有祭梓潼文李商隱有張亞子廟詩莫或言其主文按仁和翟灝通俗編云北夢瑣言梓潼縣張蠶子神乃五丁拔蛇之所也或云鶴州張生所養之蛇因而立祠時人謂爲亞子其神甚靈十國春秋僞蜀紀梓潼縣祠蛇神曰張惡子世子元膺被誅之夕司祝者忽夢爲惡子所責言我久淹成都今始方歸何祠宇荒穢若是由是蜀人傳元膺爲廟蛇之精依其說則其神不足輕重可知後人不知乃援詩張仲孝友爲張亞轉世以



爲十世爲大夫鄙誕至此愚謂文昌非張亞亦非張仲  
蓋蜀文翁也蜀治文翁遺相如東授七經於是蜀俗比  
於齊魯宜立祠堂云云調元按圖志神姓張諱亞子其  
先越雋人因報母仇徙居劍州之七曲山仕晉戰没人  
爲立廟姚萇伐蜀至梓潼嶺見一神人謂之曰君早還  
秦秦無主其在君乎萇請其姓名曰張亞子也後果據  
秦稱帝因立張相公廟嗣代顯聖故由濟順王加封至  
英顯王至元順宗延祐三年七月乃加封輔元開化文  
昌司祿宏仁帝君文昌本天上六星在北斗魁前爲天

梁山縣志

卷三

建置志 壇廟

三

川文リ

之六府其六曰司祿道家謂上帝命梓潼神掌文昌府  
事及人間祿籍故以文昌司祿封之而天下學校亦皆  
立祠以奉之此時誥冊爵號非謂卽祠文昌星也因元  
仁宗加封文昌司祿人遂以文昌稱之而京都及天下  
俱額曰文昌宮其實卽晉之張亞子也十七世張仲轉  
世自屬後人附會覩歷代封號並無張仲名可知而翟  
顯不詳考正書神自後秦建張相公廟及歷代封爵但  
就因文昌文字遂妄臆爲文翁可謂闢空杜撰游談無  
根矣至引蛇精事特不知古惡蜚二字通用因爾雅馱



蜚為蛇江淮人為蜚子遂疑為蛇尤為妄誕不經不得不為之辨

嘉慶六年五月內奉

旨前殿牌面寫

文昌帝君神位後殿牌面寫

文昌帝君三代尊親神位

每歲春以二月初三日

聖誕為祭期秋以欽天監選定吉日為祭期

陳設與武廟同

梁山縣志

卷三

建置志

壇廟

三

儀注與武廟同

祝文

惟

神蹟著西垣樞環北極六匡麗曜協昌運之光華累代垂靈為人文之主宰扶正久彰夫感召馨香宜致其尊崇茲屆仲春秋用昭時祀尙其歆饗鑒此精虔

後殿祀

帝君三代遇祭期陳設儀注與武廟後殿同

祝文

同時頒



祭引先河之義禮崇返本之思矧夫世德彌光延賞斯  
及祥鍾累代炯列宿之精靈化被千秋偉人文之主宰  
爰尊後殿用答前庥茲值仲春肅將時祀用伸告潔神  
其格歆

咸豐六年十一月內奉

上諭禮部衙門奏遵議

文昌帝君升入中祀典禮開單呈覽一摺

文昌帝君升入中祀前期一日著遣親郡王行告祭禮春秋

二季俱著卜吉舉行二月初三日

梁山縣志

卷三

建置志 壇廟

三

山志

聖誕卽照

關帝聖誕點香禮節並毋庸禁止屠宰一切禮儀祭品及樂  
章祝文著照所議備辦應行酌改工程及預備各項著  
工部於明年春秋前趕緊辦齊以昭誠敬欽此

樂章 春夾鐘清均 倍應鐘起調 秋南呂清均

仲呂起調

迎神奏不平之章

秉仇氣仇兮仇靈伍躔仇翊仇文仇運伍兮仇赫伍

中仇天仇蜺仇旌仇兮仇戾仇止仇雕仇俎仇兮仇



伍告伍虔仕 迓仇神仇床仕兮伍於仇萬仇斯仇年仇

初獻奏俶平之章

神仇之仇來伍兮仇邁伍簋伍式仇陳仇神伍之仕

格仇兮伍几仇筵仇式仕親伍極仇昭仇彰仕兮伍

靈仇貺仇致仇蠲仇潔伍兮仕明仇禮仇升仇香仇

仕兮伍伊仇始仇居仇歆仕兮伍佑伍我仇人仇民仇

伏

亞獻奏煥平之章

梁山縣志

卷三

建置志

壇廟

三

再仇酌仇兮仇瑤伍觴仕爍仇爛仇兮仇庭仇燎仇

之伍光仕申仇虔仇禱仕兮伍神仇座仇儼伍陟仇

仕降仇兮伍帝仇旁仇染仇醴仇潔仇兮伍齋仕遯仇

仇將仇綏仇景仕運伍兮仇靈仇長仇

終獻奏煜平之章

禮仇成仇三仇獻伍兮仕樂仇奏仇三伍終仕覃仇

敷仇元仇化仕兮伍繁仇神仇功伍馨仇香仇達伍

兮仕肸仇饗仇通伍歆仕明伍德仇兮仕昭仇察仇

寅仇衷仇



徹饌奏懿平之章

備仇物仇兮仇惟伍時仕告仇徹仕兮伍終仇禮仇

儀仇神仇悅仇懌伍兮仕鑿仇在仇茲仕垂仕鴻

伍佑仇兮仇累仇洽仇重仇熙仇

送神奏蔚平之章

雲仇駢仇駕仇兮伍風仕旗仇招仇神伍之仕歸仇

兮伍天仇路仇遙仇瞻仕翠仇葆伍兮仕企伍丹仇

霄仕願仇迴仇靈仕眷伍兮仕福仇我仇朝仇

望燎奏蔚平之章

梁山縣志

卷三

建置志

壇廟

三

烟仇煜仇降伍兮仇元伍氣仇和仇神仇光仇燭伍

兮仕梓仇潼仇之伍阿仇化仇成仇耆仇定仕兮伍

橐仇弓仇戢伍戈仕文仕治伍光仇兮仕受仇福仇

則仇那仇

春秋二季祝文

惟

神道闡苞符性敦孝友並行並育德侔天地以同流乃聖

乃神教炳日星而大顯仰鑒觀之有赫示明德之惟馨

茲當仲春用昭時享惟祈歆格克鑒精虔



二月初三日告祭祝文

維

神功參橐籥撰合乾坤溯誕降之靈辰三台紀瑞慶中和之令節九宇承暉若日月之有光明闡大文於孝友如天地無不覆載感至治於馨香爰舉上儀敬陳芳薦精禋罔斃神鑒式昭

後殿二月初三日告祭祝文

帝君先代道備中和神超亭毒稟詒謀而允紹欽毓聖之有基雲漢昭回際嶽降崧生之會馨香感格興水源木

梁山縣志

卷三

建置志

壇廟

三

川××

本之思式肇明禋用光彝典尙祈神鑒享此清芬

赤帝宮 縣東城外知縣魯慶建 會典每歲六月廿三

日致祭司火之神按古南方祝融之祀也以弭火災亦號熒惑宮舊制祀大辰以闕伯配大辰卽大火星闕伯陶唐氏之火正也趙宋時封宣明王

城隍祠 縣南城內知縣陶成建嘉慶十二年邑令符永培書額曰林總是奠一在西路黃土坎

按城隍字義首見於易城復于隍隍卽池也然城與隍分見而未嘗合言之梁史馮道根成阜陵修城隍則兩



字並名矣築城鑿池有國者皆設險以守而廟祀則莫究其始昔漢高帝以御史周苛守滎陽全節命天下有司附城立祠祀之城隍之祠或昉於此耶王崇簡冬夜箋記云記曰天子大蜡八伊耆氏始爲蜡注伊耆堯也蓋蜡祭八神水庸居七水則隍也庸則城也此正祭城隍之始春秋傳鄭災祈於四鄘宋災用馬於四鄘皆其証也庸字不同古通同耳是則城隍之祭始於堯矣而唐李陽冰縉雲記謂城隍祀典無之惟吳越有焉宋趙與時辨其非謂張說有祭荊州城隍文李白作韋鄂州

梁山縣志

卷三

建置志 壇廟

三

川

碑有城隍杜牧刺黃州韓愈刺潮州麴信陵刺舒州皆有城隍之祀蓋不獨吳越然也又蕪湖城隍祠建於吳赤烏二年高齊慕容儼梁武陵王祀城隍神皆書於史又不獨唐而已考魏書明帝熙平二年詔州鎮城隍令各嚴固齊會聚集糾執妖喧則北魏時亦薰灼矣至若唐文宗太和中李德裕建成都城隍祠此則蜀祀之始也全蜀藝文志載唐段全緯城隍廟記不著年月或謂既有社不應復有城隍然社神司土城隍司城惟社神爲尊後世祈禳報賽乞獻咸在城隍而社不與新官入



境齋誓朔望叩謁儀在他神祀之上焉 李調元曰城隍之祀宋以來遍天下或賜廟額或頒封爵或遷就附會隨指一人以爲神之姓名如都城隍爲蕭何鎮江慶元甯國太平華亭蕪湖等郡邑皆以爲紀信龍且贛兗瑞吉建昌臨江南康皆以爲灌嬰是也城隍有京都城隍各處府州縣城隍都城隍廟在元爲佑聖王靈應廟刑部街按元史天曆二年加封爲護國保甯王夫人爲護國保甯王妃至於生辰玉匣記言五月十一日爲都城隍聖誕按元劉應李翰墨大全神祠門慶賀疏語於

梁山縣志

卷三

建置志

壇廟

罕

川文一

各神俱言生辰而於城隍直云五月二十八日慶賀並不言生辰亦非十一日豈與都城隍異日乎抑二十八爲俗沿慶賀之期乎其二十八日慶賀疏語云日餘二日卽更建午之書雲燦五雲喜遇生申之旦歡聲載路和氣滿城恭惟城隍土主乃武乃文作威作福呼吸須臾之雨露叱咤俄頃之雷霆佐漢有功四百載綿延社稷配天無極億萬年帶礪山河赫赫厥靈洋洋如在某等素喜蒙恩之久幸逢震夙之初壽永基圖願借椿靈而爲壽封褒忠惠更看芝檢之增封繹其詞亦皆祝嘏



壽之意也所云佐漢者亦或沿俗傳蕭相國歟

本朝會典順治八年八月二十七日祭城隍之神是亦未言及生辰也今民間以五月二十八日爲生辰殆習俗之相沿也 攷明洪武元年加各城隍以封爵興王之地封爲王其餘府爲鑒察司民威靈公秩正二品州爲鑒察司民靈佑侯秩正三品縣爲鑒察司民顯佑伯秩正四品造木主塑像其章服府封公者九旒九章各州縣封伯者七旒七章命翰林撰制文頒之制詞有神司淑慝爲天降祥亦必受天之命之語三年正祀典詔各處

梁山縣志

卷三

建置志

壇廟

望

川上上

府州縣城隍稱某府某州某縣城隍之神以祭山川之明日致祭禮同社稷十四年制以城隍合祭於山川之壇蓋以五嶽四鎮四瀆四海一例也祭與山川同壇而祀則崇之貌廟者事以人道也嘉靖九年罷山川從祀以仲秋祭旗纛曰祭之

國朝仍以城隍合神祭於山川壇祀畢置神主於廟凡府州縣官蒞任必先齋宿城隍廟謂之宿三朔望行香祈禱水旱必先牒告於廟而後禱於壇

龍神祠 縣西城內邑侯禱雨於此



名宦祠 在學宮戟門外左一間 按古所謂法施於民則祀之者也明洪武四年詔天下學校各建先賢祠左祀賢牧守右祀鄉賢置主入祠皆由督撫學臣

大清會典古今聖賢忠臣烈士名宦鄉賢載在祀典者令有司歲時致祭定制設祠於學宮內以春秋仲丁致祭祭品用制帛一羊一豕一爵三雍正二年定例除故明以前不議外以後應入二祠人員皆由題請經部覆後定邑名宦祀鄭修杜莘老任元癸何縝劉聲遠李政吳珏李冠賀廷弼王冕何蘭程燧顏箎時植陳禧戴三陽陳

梁山縣志

卷三

建置志

壇廟

望

小文一

希曾方積劉衡

祝文

部頒

惟

神宣上達下利國愛民德政及於生靈勳名垂於奕世茲

當仲

春秋

敬修祀典尚饗

鄉賢祠 在學宮戟門外右一間 按古所謂鄉先生歿

而祭於社者也梁邑祀劉志才陳則徐敬之來知德

祝文

部頒

惟



神剛方成性道義居心懿言善行鄉邑同欽表勵風俗永  
作芳型茲屆仲春祀事孔明尚饗

忠義孝弟祠 在學宮外左側至行克敦祀以補鄉賢所  
未及也雍正九年知縣王裕疆建 謹按

會典凡有孝行節義直省由地方官申報該督撫會同學  
臣覆實奏聞由禮部題請旌表給銀建坊雍正元年九  
月初五日欽奉

諭旨旌表節孝給銀建坊民間往往視爲具文未曾建立恐  
日久仍至泯沒不能使民間有所觀感著於地方公所

### 梁山縣志

### 卷三

建置志 壇廟

三

設立祠宇將前後忠孝節義之人俱標姓氏於其中已  
故者則設牌立於其中祭祀用以闡幽光而垂永久着  
該部議奏欽此經禮部議覆行令直省州縣分別男女  
每處各建二祠一爲忠義孝弟祠建學宮內祠前立石  
碑將前後忠義孝弟之人刊刻姓氏於其上已故者設  
立牌位一爲節孝祠擇地營建祠門外建大坊一座將  
前後節孝婦女標題姓氏於其上已故者設立牌位每  
歲春秋二次致祭祭品同名宦鄉賢二祠

梁邑忠義祀趙趣徐宣楊茂寬黃甲呂鳳何景蕭俛趙



采俱縣學生鄢藍攻城同時植孝弟祀何應宣張漢卿

周鑾李資孝劉廷瑞葉宏禘葉宗藩董文慧董文懋

祝文 部頌

惟

靈稟賦貞純躬行篤實忠誠奮發貫金石而不渝義聞宣

昭表鄉閭而共式祇事懋彝倫之大性摯莪蒿克念篤

天顯之親情殷棣萼模楷咸推夫懿德綸恩特闡其幽

光祠宇維隆歲時式祀用陳尊簋來格几筵

節孝祠 在學宮外右側清操丕著祀以表列女之貞魂

梁山縣志

卷三

建置志

壇廟

四

川

也雍正九年知縣王裕疆建祀許彭氏趙氏汪氏來李

氏楊戴氏古譚氏李氏馮涂氏曾賴氏涂張氏刁游氏

曾蔣氏秦謝氏古東野氏吳秦氏扈周氏周劉氏劉王

氏李曾氏歐陽郭氏李龔氏魏王氏秦孫氏姚陳氏以

後入祠者名詳列女志

祝文 部頌

惟

靈純心皎潔令德柔嘉矢志完貞全閨中之亮節竭誠致

敬彰閩內之芳型茹冰蘖而彌堅清操自勵奉盤匭而



匪懈篤孝傳徽絲綸特沛乎殊恩祠宇昭垂於令典祇修歲祀式薦尊醪尙饗

川主廟 縣東城外

紫雲宮 縣東城外

禹王宮 縣東城外卽湖廣會館

宣化宮 縣東城外

軒轅廟 縣東城外

萬壽宮 縣東城外 舊武廟也康熙三十三年邑令李

移武廟於城南桂溪橋今作豫章會館

梁山縣志

卷三

建置志

壇廟

巽

四〇七

相國祠 卽蕭曹廟也乾隆四十三年署邑令高瑛建於

署西五十四年邑令程瑁改建於新署東偏 按二相

同起於豐沛佐漢定天下高祖入關約法三章其謀蕭

相主之而曹相繼之法乃一成不可變後代定律令皆

祖其意而推廣之耳衙署之歲修祀事也固宜

東嶽廟 縣東一里三台山創建歲月不可考嘉慶九年

維州協桂涵協同梁山知縣符永培倡議重修十年歲

事符永培書額曰大哉佛法一在西路黃土坎一在北

路 古者天子祭方岳諸侯祀其境內名山大川泰山



峙青兗數百里王者治成多登封焉謂其長四岳而澤及四海也但世俗謂少海氏十二子長金蟬為東華帝君治方諸次金虹為東嶽帝君治岱漢文帝時封泰山元帥而道書稱東嶽為太靈蒼光司命又曰五嶽之神各有攸屬岱泰山乃天帝之孫羣靈之府主世界人民官職生死貴賤等事其說不經類係傳會按史唐開元十三年元宗封泰山神為天齊王秩加三公一等宋大中祥符元年封禪畢詔加號泰山天齊王為仁聖天齊王五年詔加東嶽曰仁聖天齊帝十月詔加上東嶽淑

梁山縣志

卷三

建置志

壇廟

巽

又川也

明后元世祖至元二十八年詔加天齊大生仁聖帝明

洪武七年詔去封號改稱東嶽泰山之神

蠡海集云東嶽生於三月

二十八日者天三生木地八成之含兩儀之氣於其中也二十八日者四七也四七乃少陽位也又云神之生誕皆假數而言也少陽生物之數起於七四營而為二十八三乃東方木之主

總兵衙署

協事維州協鎮都督府健勇巴圖魯桂涵重修東嶽廟

建碑邑令符永培書丹其記云梁山形勝區也距城東

里許突起三峰俯臨雉堞故名其山曰三台舊有東嶽

廟踞中台之巔當嘉慶戊午己未教匪倣擾川東蔓延

幾無隙地而梁山適當東北陸道之衝余時奉簡書統



率兵勇剿捕往來不下十數次皆札營於廟之前後因  
得入謁瞻仰見有前明萬曆年石碣題載猶曰古刹知  
其所剏建從來遠矣上下屋僅兩楹左右廊房數椽俱  
傾圮腐敗伏念 神明赫濯宰人間生殺之權若獲掃  
蕩羣氛太平共享余當倡義重修殿廡裝塑 聖容以  
酬鴻庥於萬一厥後由蜀而禦敵於秦楚歷崎嶇者三  
省執銳披堅所向皆克今幸大功悉蒞仰荷

聖天子寵命晉秩總戎褒加勇號非神力冥冥呵護之靈曷  
克臻此余前於癸亥秋復經斯地邀城內外紳耆士庶

### 梁山縣志

### 卷三

建置志

壇廟

三

三

商所以經始稍割俸以伸前願更得邑侯子田符公與  
余最稱契好慨然引爲己任於是羣情翕助鳩工集材  
高下具舉匝一周而功告成囊棟層接軒堦遙連金碧  
莊嚴氣象肅穆巋然壯一邑之觀瞻是役也木石磚瓦  
粉采工程之需共計金錢三千緡有奇或捐之於官長  
或輸之於眾姓無不踴躍相從而董其事集其成者大  
半出於公門善信爲之竭力於初終馬邑之人咸謂不  
可不有以紀之也余爲敘其興作之由與勦伙之殷泐  
諸貞珉一以昭靈貺之可憑一以聲善緣於勿替云



瞿鏊丁卯季春遊東嶽廟詩 斯遊非復舊時廬古刹重  
新壯帝居香裊殿前朝玉

窟萍開池畔看金魚吞萬石樓臺聳光映三台  
心目舒都督桂公成盛舉雕梁題額徧高車

鄧正誼詩 惟帝出乎震巍巍仰泰山肇生周庶類布德  
徧通闡南浦明禋備東郊氣象還奐輪新廟

貌殿宇  
軼塵寰

蕭公祠 舊志云治東知縣王冕建 按治東無此祠惟

萬壽宮中塑許真君像左塑蕭公像右塑鎮江王爺像

三像同龕或即此歟攷新淦大洋州蕭公廟神名伯軒

籍祥符訪道臨江沒祀為水府之神元至大間封五湖

顯應真人洞庭湖有鐵錨為怪爪見輒覆舟公以法力

### 梁山縣志

### 卷三

建置志 壇廟

巽

攝治之遇吉州長年康某托載歸以夢報於家已而風

便舟利若有神助至洋洲泊舟祠下忽滯不能行公家

人出述其夢始知遇者公之神也子祥叔增修父道多

神異元至正間封神化普濟舍人從祀伯軒孫天任尤

有異術能前知封英佑侯

衙神祠 古者室西南隅曰奧祭五祀皆主之後世沿為

宅神在衙署則為衙神朔望行禮

獄神祠 監獄之內或曰祀臯陶也

桓侯宮 縣南城內



元天宮 縣南城內卽廣東會館 按真武元武之神月  
令孟冬之月其帝顓頊黑精之君其神元冥水官之臣  
爲養生家之祖道書往往稱之宋真宗避諱改爲真武  
靖康元年詔封佑聖真武靈應真君加號佑聖助順真  
武靈應真君元大德中封爲元聖仁威元天上帝明永  
樂正德間表武當爲太嶽元嶽而臣視五山獨尊饗之  
明史載三月初三日九月初九日祭以素羞又云佑聖  
真君者乃元武七宿後人以爲真君作龜蛇於其下若  
圖志所云真武爲淨樂王太子修煉武當山功成飛昇  
之說也按會典順治中

梁山縣志

卷三

建置志 壇廟

三

奉上帝命鎮北方被髮跣足建皂纛元旗此道家附會  
勅封北極佑聖真君春秋致祭

帝主宮 縣南城內卽黃州會館相傳爲張士主名七年  
方七歲棄家至湖藩營謀貨殖以事繫麻城三年夢受  
紫微妙法手提紅棍身跨烏駒撲滅本縣火災宋時勅  
封威靈顯化

昭武宮 縣南城內卽撫州會館

天上宮 縣南城內 福建會館 按天后姓林氏莆田



涓洲人

或云蔡氏候  
嶼人非是

宋都巡檢愿第六女以建隆元年

庚申三月二十三日生彌月不啼名曰默生而神靈少

與羣女照井有神捧銅符出以授妃羣女奔駭自是屢

顯靈異常乘片席往來海上或驅簷前鐵馬渡江人咸

稱為通賢靈女或稱神姑一日方織忽據機瞑坐顏色

變異母蹴問之寤而泣曰父無恙兄歿矣頃之信至父

與兄渡海舟覆父若有挾之者得不死兄以柁摧救不

獲雍熙四年九月初九日昇化室處二十八歲時顯靈

應或示夢或示神燈海舟獲庇無數世咸祀之宋徽宗

# 梁山縣志

## 卷三

建置志

壇廟

三

×××

宣和五年給事中路允迪使高麗入舟溺其七獨允迪

見神朱衣坐桅上遂安歸聞於朝賜廟額順濟高宗紹

興二十六年始封靈惠夫人賜廟額靈應三十年海寇

至江口神見風濤中寇潰就獲泉州上其事加封昭應

孝宗乾道二年興化疫神降於白湖去湖丈許得甘泉

飲者立愈又海寇至霧迷其道至廟前就擒加封崇福

淳熙十一年助巡檢姜特立捕温台寇加封善利

汪錄作靈

慈昭應崇福善利夫人靈慈乃廟號凡加封皆  
原靈惠始封之號當作靈惠以上夫人凡四封

光宗紹

熙三年以救疫旱功特封靈惠妃甯宗慶元四年以救



潦功加封助順嘉定元年平大奚寇以霧助擒賊金兵  
至淮甸戰花靨鎮及紫金山神見像再捷三戰遂解合  
肥圍加封顯衛十年救旱獲海寇加封英烈嘉熙三年  
錢唐潮決至艮山祠若有限而退加封嘉應理宗寶祐  
二年救旱加封協正三年加封慈濟四年以浙江隄成  
加封善慶五年教授王里請於朝封妃父積慶侯母顯  
慶夫人女兄以及神佐皆有錫命景定三年反風膠海  
寇舟就擒加封顯濟以上封妃十元世祖至元十八年  
以海運得神祐封護國明著天妃又進顯佑成宗大德

梁山縣志

卷三

建置志

壇廟

至

川文士

三年以漕運効靈加封輔聖庇民仁宗延祐元年加封  
廣濟文宗天曆二年加封靈感助順福惠徽烈廟額靈  
慈明太祖洪武五年封昭孝純正孚濟感應聖妃成祖  
永樂七年封護國庇民妙靈昭應弘仁普濟天妃自後  
遣官致祭歲以爲常莊烈帝封天仙聖母青靈普化碧  
霞元君又加青賢普化慈應碧霞元君

明共四封

國朝康熙十九年收復臺灣神靈顯應提督萬正色以聞加  
封護國庇民妙靈昭應弘仁普濟天妃遣官致祭二十  
三年琉球冊使汪楫以水道危險荷神護佑奏請春秋



祀典又將軍侯施琅以澎湖得捷叨神助奏請加封

勅封護國庇民昭靈顯應仁慈天后遣官致祭乾隆二年福建總督郝玉麟疏稱臺灣守備陳元美等在洋遇風虔禱天后俱獲安全褒封宜加

詔加封福佑蒼生四字二十二年琉球冊使全魁於米姑山遭風以神著靈異奏聞

詔加封誠感咸孚四字五十三年以派往臺灣官兵渡洋穩順奉

勅予封號上加顯神贊順四字嘉慶四年以各洋面巡緝兵

梁山縣志

卷三

建置志

壇廟

五

三

船及商船往來均賴神力護佑

勅加慈感軍民四字六年冊封琉球使臣李鼎元奏於天后宮後殿崇祀天后父母

十王殿 城隍祠左邊

藥王廟 縣南城內

福祿宮 縣南城內

呂祖廟 縣南城內

昭忠祠 城隍祠左側嘉慶九年邑令符永培捐修所有

春秋祭祀銀六兩嘉慶十年奉 文自行捐出不准請



領陣亡官兵

龍廷貴 戕邊營把總署梁山汛把總事嘉慶七年十  
二月初一日帶兵堵禦胡思鵬一股賊匪在汛屬北  
路之白虎溝陣亡

鍾英 守兵嘉慶二年十二月初八日隨代防梁山  
汛外委宋福往汛屬西路賽白兔涼風埡勦賊陣亡  
謝太和 守兵嘉慶七年十二月初一日隨把總龍廷  
貴在白虎溝堵禦陣亡

林貴 軍功千總 今臬憲前以甯遠府攝梁山縣

梁山縣志

卷三

建置志

壇廟

五三

川川

事施舍林軍功香火田碑記云林軍功貴梁山人嘉  
慶丁巳林貴充雲陽縣義勇隨營進勦白岩山匪逆  
林亮功等屢著戰績後因官兵失利陷賊中邑人咸  
謂已死戊午六月白岩賊眾傾巢西竄余奉大帥勒  
公命邀賊於萬縣屬之荆竹園戰既合貴望見余旗  
遂自賊隊中斬賊頭目以出余壯之爲請於帥府奏  
賞千總銜且將擢用也是歲川賊共二十餘股縱橫  
川東各屬梁邑尤爲諸路之衝以故無月無賊至貴  
自賊中歸深悉賊情每遇警至輒請行所向亦輒有



功余方冀其大有所就時命不辰己未二月單騎赴賊以死哀哉貴年二十二歲無父母兄弟及期功之親新娶妻黃氏不能堅志現議他適貴有田一區共三十七塊歲可得租七十二石蓋貴前斬賊目時以所得賞項部署者貴既無嗣妻又將嫁余哀其抔土終歸零落而梵魂且將就餒也遂葬貴於叢林雙桂堂山側命寺僧司其春秋香火卽以其所置之田施於寺歲遠年湮恐失所據是用爲記並泐焉

趙肇第 武生附生趙萬仟之父嘉慶二年邪匪至肇

梁山縣志

卷三

建置志

壇廟

五十四

川三川

第與妻劉氏同殉難署令方詳憲准彙辦

趙興山 肇第之兄嘉慶三年邪匪又至興山死之其子萬選衛父被戕亦經邑令方申請各憲批總局歸入軍需善後事宜案內彙辦

嘉慶十一年正月十四日奏准禮部咨查定例載昭忠祠東西配樓及兩廡附祀陣亡官兵又京師暨各省府州縣衛各設忠義孝弟祠一建立石碑設節孝祠一建立大坊凡忠義孝弟之士及節烈婦女應請 旌表者題名其上身後設祭等語嗣後除各省陣亡官員兵丁



照例附祀昭忠祠外至殉難士民等仍入祀忠義孝弟祠照例題名石碑殉難婦女等仍入祀節孝祠照例合建一坊如此分別辦理庶男女有別而該士民男婦等殉難捐軀得以仰邀 旌典卽與入祀昭忠祠無異所有貴州殉難男婦附祀之處卽照此例辦理由臣部另行核議具題謹奏奉

旨依議欽此

咸豐十一年同治元年周藍朱曹郭張各逆疊竄梁山四路陣亡紳團丁勇徇難男婦署令田秀栗隨時詳請

梁山縣志

卷三

建置志

壇廟

五

川

旌卹同治四年邑令艾鉞奉文會同教諭王洪範設局採訪遺漏未報者彙冊增詳庶忠魂義魄不至湮沒云照例附祀昭忠祠陣亡紳團丁勇建有忠義坊題名如左

秦天榜

什長

曾萬選

什長

石德嘉

文生

廖賦智

職員

李榮魁

百長

黃成福

百長

黃國瑞

百長

蕭德材

百長

李永秀

百長

孫根源

武監

張正元

先行

張才洪

副領

雷忠紀

先鋒

羅忠配

先鋒

夏得魁

先鋒

何仕友

先鋒

劉祚禮

管帶

曹先成

大旗

陳維先

教習

蔣永富

教習



方興芳團

鄭宗貴隊長

楊大元團

楊大明團

姚良廣團

周學南團

陳昌五監生

朱朝龍文童

龔正富

鍾朝陞

唐奇發

賀廷幹

黃大珍

高思恭

龍作賓

方占魁

譚培位

陳永洪

謝天浩

謝成蓮

潘文長

鍾朝舉

張九安

廖德貴

周順發

譚仕俊

夏先林

謝維仁

王國定

蔣定邦

蔣正芳

李懷成

王嘉猷

邵乾金

孟先玉

馮雲潤

梁山縣志 卷三

建置志

壇廟

五

張以忠

唐賢虞

尹德明

黃家武

歐尙林

蔣明才

雷必興

羅南善

蔡二喜

龍必仲

魏興芳

王忠友

許洪滔

熊伯壽

周昌榮

劉芳堂

王添喜

凌興祿

姚良珍

李營順

蔣世端

唐仕相

彭心光

唐開珍

王邦正

徐世三

唐貴益

李正義

羅君禮

鄧玉珍

葉朝志

蔣祖吉

向吉萬

壘興斗

徐其謨

鄧科甲



劉應遷

廖本興

李道厚

羅漢冬

蔣永茂

唐開安

李四元

姚六保

蔣禹興

劉三元

蔣光映

李天全

唐運漢

吳永祥

曾榮光

譚已元

廖質惠

王大珍

姚宗發

李道坤

趙登貴

梁永祥

鄧洪俊

張洪祥

唐思清

黃孟懷

歐昌隆

周啟志

王永定

劉興發

何能貴

曾榮華

蘇維禮

鄧太吉

張洪楷

李天定

梁山縣志

卷三

建置志

壇廟

五

李昌德

蔣太和

曾茂和

謝喜元

張世祥

劉祖禮

方興發

觀音  
寨人

以下四門團丁

易永富

黃朝才

劉遠信

姚定邦

洪光武

張占春

黃志大

陳文友

薛明富

唐克禮

王志朋

林占元

王有科

郭萬順

高世茂

吳立品

熊占彪

陳陞一

歐正全

李興元

况成顯

莫維炳

楊茂堂

謝遠發



葉茂林

方遇隆

潘仁發

藍光昭

蕭占魁

舒苟爾

安正興

祝兆有

黃奇才

蕭占斗

蔣光應

唐學餘

華玉龍

楊中庸

匡石頭

謝文學

譚卯爾

呂潤周

劉成禮

徐石元

楊吉順

李鳳山

柏春波

周思春

范占魁

秦雙林

楊加祿

魏仕達

文遇隆

黃玉堂

唐丁

邱和尚

李天定

費志大

毛承先

曾雞公

梁山縣志

卷三

建置志

壇廟

五

李承友

劉毛爾

倪景隆

姚宗第

洪爾法

張岐山

盧文浩

王慶科

劉光立

劉興品

熊明月

劉戊喜

唐昌遠

廖長齡

何聾子

劉丁酉

夏鐵匠

周發開

劉昌福

童呀疤

甯聾子

楊文耀

黃開爾

陳正玉

葉有餘

冉裕德

羅朝銀

劉一煥

熊明達

潘喜官

顏昌達

曾和尚

方家遂

秦天錫

王明道

孫大順



劉邦藻

文朝漢

楊長生

楊乃慰

羅朝和

黃永富

陳萬瑄

何得元

張順茂

李昌秀

孫遇春

冉永昭

邱富順

劉一明

王懷善

唐三喜

孫心喜

周盛宗

何德倫

謝馨恩

黃慶久

宋清蓮

銀朝華

凌恩祿

李世芳

羅春元

歐戊爾

莫維精

方興發

凌百祿

蔡言官

冉瑞祿

陳奇福

李四爾

張其極

李世和

梁山縣志

卷三

建置志

壇廟

堯

周世吉

梁萬營陣亡制兵

劉志純

義士營陣亡兵勇

魏定山

程輔盛

杜懷志

唐友高

魏承恩

百長

梁勝營陣亡兵勇

鄭占彪

丁應爵

李永洪

伍揚善

簡世綿

秦玉吉

石占魁



梁忠營陣亡兵勇

羅得勝

羅瑞庭

邱占魁

李得易

孫肇賢

王志春

張耀廷

羅興發

張鳳鳴

鄧耀雲

羅順發

張勝榮

李榮陞

伍洪順

周錫富

王占魁

熊永裕

聶恩

黃詩銀

林心廣

周福元

什長

熊占魁

大旗

朱占魁

大旗

黃占魁

大旗

梁義營陣亡兵勇

章玉春

梁山縣志

卷三

建置志

壇廟

李

梁銳營陣亡兵勇

李占廷

以下徇難紳民入祀忠義孝弟祠

鍾才和

方三爾

劉玉順

忠州

龍三江

忠州

唐癸爾

謝永定

冉正佐

陳乙生

忠州

唐有常

譚興發

冉三疤

于登庸

監生

唐人凱

馬春爾

呂禮周

冉正提

蔣朝祿

冉三全

李世友

冉告化

唐維第

冉廣元

冉廣齊

羅世榮



馬世友 冉瑞福 馬思貴 馬思仁

冉廣順 冉牛爾 文朝和 劉家興

冉廣餘 冉瑞華 劉家寅 劉安靜千總

冉正發 徐昌耀 蔣全仕 劉家開

冉麻三 馬思明 馬學禮 劉家成

文正興 馬思春 馬思發 劉家丕

冉正喧 劉一愷 吳桂有 劉福喜

冉光宗 冉正來 張朝陽 劉家貴

冉廣盛 呂二瞞 馬學詩 劉家和

梁山縣志 卷三

建置志 壇廟

空 川

劉一鳳 劉一仁 劉一鍾 劉一友

劉一典 劉一沛 劉一柱 劉一喜

劉一禮 劉一欽 劉一來 劉三爾

劉一敦 劉一銳 劉一連 劉安吉

劉一耀 劉一蟾 劉一綱 劉辛元

劉一訓 劉一聘 劉一禪 劉二娃

劉一才 劉一瓊 劉一楨 劉純爾

劉一為 劉一科 劉一問 劉家和

劉一貴 劉一方 劉一品 劉家揚



劉長保

劉喜生

劉丙爾

李純茂

劉安學

劉狗爾

劉六子

王蠻子

劉四爾

劉開元

劉毛爾

向官保

劉安鏡

劉家俊

劉家長

徐毛子

劉家芝

劉福保

劉安科

陳丙爾

劉安朝

劉辰保

劉安輝

王文廣

劉安進

劉安連

劉祖佑

王辛元

劉安全

劉閏年

劉羅漢

黎癩子

劉安常

劉家寬

劉雙喜

廖書元

梁山縣志

卷三

建置志

壇廟

奎

三

陳以太

蔣狗爾

冉玉起

譚川爾

王章堂

崔毛子

羅長

羅昌達

王三喜

徐福生

譚已爾

譚長生

王木匠

陳玉柱

官正友

官老二

秦萬沛

姚宗候

姚官保

鄧洪祺

何行舒

朱老大

朱老二

蔡石保

崔子耀

陶仁發

陶仁興

高思浩

陸聯陞

高臘元

邱高發

邱西元

徐貴

游福保

梁國相

趙四發



冉廣見 羅槐爾 譚四爾 朱辰保

高長壽 熊老大 易火炮 游彪

田長生 周鐵爾 冉廣開 冉廣漢

冉廣達 趙明安 邱高祿 羅培芳

唐奇全 謝廷爵 謝桂祿 李天恩

羅世禮 賴正朝 謝永定職員 冉裕道監生

時公祠 縣署後正陽山 是祠由二堂後石徑紆回而

上因山為之前數楹憑虛創立若危樓狀 公與孺人

賈氏及三姑遺像在焉凡有所禱無不應四圍古木陰

梁山縣志 卷三 建置志 壇廟 空

森飛禽上下誠靈境也同治乙丑邑令艾鉞重新之筠

簾掩映金碧交輝鐘磬清音晨昏入耳並籌置祭田每

歲仲春秋戊日偕寅僚紳耆致祭以彰忠烈於不朽云

附時公祭田同治五年邑令艾鉞籌置縣北回龍寺側

與城隍會同買共田大小四十形租二十五石每年

分收租穀十二石五斗載糧六升契存禮房交邑紳

何千秋劉松柏等經管按歲納糧並備辦二季祭品

邑令艾鉞聯云 忠節孝美擅一門潛德幽光尋故跡已 成往事清慎勤班排舊部春祈秋報偕

耆老來 薦時馨



來瞿唐祠 文廟東萬曆三十五年兩院具疏奉

旨移文本縣修建聘君仁里石坊於通衢三十六年本縣通  
學生員具呈學道請入鄉賢奉督學魏移檄仰縣迎主  
入鄉賢崇祀三十七年按院彭移檄來聘君曠世高士  
崛起真儒日錄抉百代淵源易註闡四聖奧秘已入鄉  
賢崇祀外擬照合州鄒智事例修葺特祠傍於學宮春  
秋禮祀庶近聖人之側分俎豆之馨異日從祀孔庭此  
其階乎三十八年本縣申文學道請給來氏子孫衣巾  
奉祀蒙督學王移文看得來先儒三川高士一代大儒

梁山縣志

卷三

建置志 壇廟

齋

川三文

註易明經有功先聖特祠薦禮已享苾芬於俎豆春秋  
妥侑必須子孫之趨踰理合奏請世奉禮祠外今有嫡  
孫儒童來象謙文行堪錄准給衣巾奉祀崇禎十六年  
奉祀生員來象謙故應嫡裔來嗣祖承襲本縣具文申  
請奉督學王批來嗣祖准給衣巾照舊奉祀

國朝順治十七年署知縣彭將承襲奉祀生員來嗣祖具冊  
申文學道康熙元年知縣林堯光申文請給衣頂恢復  
舊典奉督學席批先賢奉祀古制也但未悉來知德註  
經何據仰縣速詳回報或將歷傳註集中閱以便給祀



用彰有德也本縣復具詳同年譜一冊轉申奉批來嗣  
祖准給衣頂奉祀不必入考冊也康熙元年知縣林堯  
光重建來公祠春秋致祭又顏其額曰理學名臣有題  
匾文四年知縣田起鳳捐貲修祠尋卒未訖工六十一  
年知縣孫天霖捐俸重修乾隆元年邑令竇容遂題額  
曰學闡先天嘉慶十二年邑令符永培重修

### 林堯光題匾文

辛丑秋余初修梁城梁亂二十年草木  
迷離虎豹窟穴余修學宮成宮傍瞿唐

來先生祠遂令其孫嗣祖董其事鳩工美輪奐焉始  
得讀先生傳客聞之喟然曰吾於是知蜀之有傳人  
也先生之榮也成於時也學也徵於養也壽也植於  
數也嗣也驗於積也梁之都人士不知之乎世之名

建置志

壇廟

奎

101

## 梁山縣志

### 卷三

公卿不知之乎雖欲不傳之不可得矣林子曰有是  
哉雖然竊有聞焉非淡以遇榮有必顯而無必成非  
聖以尊學有必名而無必徵非仁以造壽有必長而  
無必植非孝以貽嗣有必昌而無必永今考瞿唐來  
先生初以禮經冠於鄉繼以理學名動京師徵待詔  
不起其遇榮以淡全乎天矣及遨遊五嶽內外篇累  
數千言以錯綜發明易象之理註經序卦為古今儒  
宗其尊學以聖明乎道矣迨年已八十天子使有司  
月加米焉沒也祠於學宮春秋奉禮祀夫子之言壽  
也曰仁者樂山今先生壽且百代不朽其造壽以仁  
綿乎世矣且先生以孝行聞廬墓六年鄉黨莫不難  
之梁之亂昭茲來許免於難其貽嗣以孝錫乎類矣  
吁備矣雖欲不傳之其可得乎客聞之瞿然曰吾於  
是知蜀之有傳人也以傳道也以傳聖也梁之都人  
士知之將以景行也世之名公卿知之將以揚善也  
又云勸也雖欲不傳之不可得矣余奉命將入都  
因顏其祠額而以對客之言系之乙巳春王正月後  
學莆田林堯光敬題



林堯光聯云

千年河洛闡義皇今古斯文不墜數仞宮牆依孔孟春秋禮祀重光

夔守林烱章聯云

太史豈膏盲泉石一十二峯中高山流水知音少元言已注脚圖書六十

四卦裏月窟天根得趣多

李柱宇題云

學孔門之心一貫分明傳泗水江漢濯之秋陽暴之今古方名爲尙友悟義皇之象

萬年親見自求溪以通神明以類萬物乾坤何得此真儒

黔中任某題云

無欲靈根悟聖真發揮禮樂詩書筆底烟雲維世道百源學問傳大易直治義

文周孔刻成風電闡幽光

邑令楊羨撰祭文云

年月日某官敢昭告於來瞿唐先生之神曰先生秀鍾河嶽學貫天

人註易明經羽翼聖道啟蒙發贖接引後生心傳孔孟統紹義文茲當仲楮謹以牲帛醴齊粢盛庶品祇

# 梁山縣志

## 卷三

建置志 壇廟

奎

八〇川

薦歲事 尙饗

祝文

惟

神功敦曰錄學參易註究天人之奧義發性命之精微名

傳西蜀學冠高粱甘棠遺愛青史流芳茲當仲春用仲秋

祀典尙饗

忠節祠 縣西川主廟內有忠節流芳匾明副使張鯤建

祀主簿時植生員何應宿

張鯤忠節祠記

時子攜一妻一妾一姪來判梁山簿攝邑印斯時也盜毒流亂四方弗靖正德



六年十二月十五日禍延梁山時率眾登城守禦越  
日夜眾少困賊佯退復換其志遂乘閒火其門而入  
執主簿至接仙橋令跪請金贖弗屈鎗截迫之取佩  
印弗與又縛用火炙之時罵聲不絕口彼怒竟炙而  
焦其身嗚呼慘哉初妻賈氏欲避山林時曰不可為  
民望也賈氏聞變自縊於梁女名三方九歲亦自斃  
烈火中盜黨有入室背一歲孤紹紹者冀圖金贖後  
行至新甯境賊有見負者云時主簿已死豈有贖一  
時天誘其衷乃衣兒以白衫復書梁山主簿時植子  
字以金環一雙僱老嫗負還用存後以示悔盜去義  
民何應舉與醫生秦統昇屍備衣衾殮置縣宅正寢  
越數日姪永壽與幼子俱歸統家收養之次年送柩  
歸葬其鄉梁山士民訴當道奏聞贈以本縣知縣贈  
妻孺人送永壽入監讀書時以正德六年四月來邑  
治事愛民用政泄事用勤常修通濟橋以便民思其  
德而哀其死者諸邑請於愚欲立祠樹石以慰梁眾  
允之知縣王冕捐俸僦地又督好義者集財命義民  
張森董工建前堂後寢大門各四楹愚為書忠節祠

梁山縣志

卷三

建置志

壇廟

三

榜之夫流賊之禍肇於瑾賊弄柄當時縉紳紆金拖  
紫受屈於瑾賊者屢屢今時以國學之生當此孤立  
之勢彼每誘之我每抗之與妻與女各死其節凜凜  
合一非篤信其學道素相符焉得有此孰謂胃監不  
足以得人乎何與秦可謂好義冤等亦可謂知義也  
夫時子名植字良材河南通許人妻賈僉憲定之女  
義方亦遠矣適祠成冕命訓導封縉來請愚記之為  
之祠曰奕奕梁山有邑其麓卓彼時子政與德敷天  
禍蜀川罹我梁人時子捍之不顧其身彼毒其家天  
誘其子陳錫九重亦既渥矣梁人孔哀思立其宇我  
為蕪詞俾民歌  
之聿垂千古

倉公祠

縣東城外育嬰堂後

東壇厲壇

署令田秀栗合建東門外

奎星閣

文廟東嘉慶十二年邑令符永培建



天子殿 縣西城內

碧霞宮 縣西城內今更名普照寺

玉皇宮 縣西城外即常德會館

三官殿 縣西城外

祖師殿 縣西城外

三聖宮 縣西城外一在縣西涼水井

元女宮 縣西城外

玉陵宮 縣西城外

太清宮 縣西城外

梁山縣志

卷三

建置志

壇廟

矣

機神廟 縣北城外

文昌宮 縣北城內

神農宮 縣北城外

蔡公廟 縣北城外

玉皇殿 縣北路

黃城廟 縣西路老營場

黃溪廟 縣小西路

白廟 縣南路

殷家廟 縣南路



楊家廟 縣南路

濂溪祠 縣北路新場

武安王祠 縣南路

天子殿 縣南五十六里平都山上

萬天宮 縣西十五里

梁山縣志

卷三

建置志

壇廟

六九



八上



地 284.255

39

15

澤  
山  
巽  
生  
屯

辰





梁山縣志卷三下

寺觀

自象教東來梵刹徧於宇內至六朝而浮屠老子之宮因之日興歷代不聞禁止或設僧綱道紀二司以主其洒掃之役者蓋以彼教雖與儒者有殊然老子以清淨化民西漢之治半由黃老佛氏以慈悲為本每能感善寢惡警醒貪嗔則福利之說固驅民於善之機揆諸神道設教無甚忤也教本人情任民所禱者程子見釋氏誦經曰三代威儀盡在是矣豈可以無涉於典訓遂略而不書耶

梁山縣志

卷三

建置志 寺觀

一  
一  
廿七

觀音閣

縣東城內

正佛寺

縣東城外

天竺菴

縣東六里嘉慶十二年邑令符永培倡捐重修

雨先山寺

龍象寺

法華寺

陀頭寺

圭嚴寺

銀恒寺





萬年寺 縣東蟠龍山嶺石壁有天子萬年字故名今更

飛雪禪院嘉慶十二年邑令符永培書額曰虎豹虬龍

喬鐸過蟠龍山寺 上到高粱最上頭招提佳勝定來遊  
蒼崖勢險秋當戶瀑布聲多夜入樓

萬里皈依三寶願一官調治百蠻憂勞人儘有閒心  
境吟得新詩古寺留 乙巳歲重遊此寺云蟠龍山  
徑踏層層寺裏樓高一再登行路最難蠻郡守掩關  
直羨上方僧千重翠色偏爭擁百道飛流不住騰纜  
過春風又秋月願  
教長對佛前燈

南壩寺

龍泉寺

龍台寺

梁山縣志

卷三

建置志 寺觀

二  
二  
二

騎龍寺

水口寺

華山寺

雲台寺

香水寺

興隆寺

井泉寺

雲峯寺

紫昭寺



向陽寺

龍井坪寺

寶勝寺

寶平寺

宗興寺

峯統寺

林鷺菴

清涼菴

莫家菴

梁山縣志

卷三

建置志 寺觀

三

リ上三

余家菴

普陀菴

以上俱東路

石觀音閣

縣南城內

温于濬碑記

此山在文廟為白虎在縣署為朱雀宜靜

鎮之不過數椽而已後此增修者高其開闕懸以鐘

鼓由是命盜案多術者云閣門向北白虎迴頭朱雀

開口又有鐘鼓以助之宜其有此乃請於邑侯符憲

而瞿飛霞先生精於堪輿謂急更張之自然甯靜因

傳集紳耆示以撤去鐘鼓門則閉左開右且佛像面

南改造山門于向為順尅期鳩工庭宇改觀晨昏不

用鐘鼓以磬代之進香者沿城而入履坦

道聽水聲所謂曲徑通幽處耶爰勒於石

杜華國石觀音閣聽水聲詩

蓮臺恰好近城邊繞閣清

流別有天便是皈依南海



座鼓殘王  
磬聽鳴泉

鄧正誼詩

傑閣近城南南無設小龕簷牙臨水曲屋角映雲嵐石壁容鐫古楊枝露灑甘此中空色

相禪未許高談

萬年寺 縣南城外

鎮龍寺 縣南七里初名孝禪明宏治十七年建寺下有

井

國初有白馬自井出為民害僧冰潔駐錫焚香以厭之馬

遂潛形因更名蟠泉山制龍寺乾隆庚午僧秀齡至京

師莊親王召詢原由賜以聯云移峯伏白馬聞鐘即悟

梁山縣志

卷三

建置志 寺觀

四

川一七

如來偈飛錫遶蟠龍聽法方生智慧花改題山為移峯

山寺曰鎮龍禪林取靈鷲飛移靜攝毒龍義也

白衣寺

朝陽寺

祝家寺

觀音寺

丹家寺

茅菴寺

迴龍寺



菩薩頂 縣南十里尖峯寺在頂南白兔亭在頂東俱稱  
極高登頂望之如平地然北門壩水滿田中望若大河  
人家屋宇散布如眾船爭灘奇觀也

邑令魯慶登菩薩頂詩二首

城南佛寺踞山巔十里危坡達洞天俯瞰尖峯當半

嶺遙看飛瀑出平川烟中樹色雲連郭水畔人家屋似船面面奇觀經指點憑欄縱目一超然 衙齋清興復何窮峯嶺孤峯入望中遊履幾年邀舊雨登樓此日坐春風當窗竹葉延新翠待客桃花放曉紅笑我宦途鬢似雪可能一醉許稱翁

破山堂

觀音堂

梁山縣志

卷三

建置志

寺觀

五

リ卅、

福興菴

以上俱南路

大佛寺

一處

千佛寺

永正寺

永福寺

花果寺

滿天寺

雲台寺

道登寺



金城寺

高峯寨寺

雙桂禪院 縣西南三十里為破山禪師叢林桂樹已非

舊植寺前有藏經樓後有破山塔康熙六年制憲李國

英題破山塔匾曰燈傳無盡乾隆四十九年知忠州事

符為僧極靡題匾曰慧命宗範嘉慶七年督憲勒題匾

曰忠貫天日又匾曰普渡羣迷知甯遠府事攝梁山縣

篆方積為戒慧題匾曰道範清高十年署邑令袁鳳孫

題匾曰花雨金粟十一年署邑令朱壬題匾曰談經點

梁山縣志

卷三

建置志

寺觀

六

六

石十二年邑令符永培題匾曰佛法無邊此外聯額頗多不盡載

雍正十三年四月二十五日奉

旨欽定入藏

華嚴會本懸談三十卷

華嚴會本懸談會元記四十卷

華嚴經疏鈔會本二百二十卷

華嚴普賢行願品別行疏鈔會本十卷

乾隆元年正月十一日起陸續交出奉



旨欽定入藏

法華元義釋籤四十卷

明高僧傳六卷

華嚴論四十九卷

十明論一卷

圓覺大疏十二卷

永明心賦註四卷

碧巖集十卷

五燈會元六十卷

梁山縣志

卷三

建置志 寺觀

元叟端禪師語錄四卷

楚石琦禪師語錄十六卷

八十八祖傳贊五卷

楞嚴正脉四十卷

彌陀疏鈔十卷

紫柏尊者全集三十卷

憨山大師夢遊全集五十五卷

性相通說一卷

莊子內篇註四卷



幻有傳禪師語錄十卷

雪嶠信禪師語錄十卷

天隱修禪師語錄二十卷

密雲悟禪師語錄十卷

大覺普濟能仁琇國師語錄七卷

明道正覺森禪師語錄三卷

宏覺恣禪師語錄二十卷

梵剛經直解十卷

毘尼止持會集二十卷

梁山縣志

卷三

建置志

寺觀

毘尼作持續釋二十卷

毘尼關要二十卷

止觀十要六卷

山茨際禪師語錄四卷

相宗八要直解九卷

五百羅漢尊號一卷

明覺聰禪師語錄二十卷

首楞嚴經疏解蒙鈔六十卷

宗寶獨禪師語錄六卷



勢至章疏鈔二卷

如意心咒經疏二卷

藥師經直解二卷

兜率龜鏡集三卷

準提經會釋三卷

瀉山警策句釋二卷

四十二章經疏鈔九卷

八大人覺經疏一卷

成唯識論音響補遺四十卷

梁山縣志

卷三

建置志

寺觀

九

一十二

法華授手四十卷

賢首五教儀十卷

重訂教乘法數三十卷

御選語錄四十卷

御錄宗鏡大綱二十卷

御錄經海一滴二十卷

以上共五十四種計一千一百二十七卷乾隆二年

三月二十一日奉

旨照歷朝年代次第一體編入字號



滇屏李雲程記

皇上御極之四年重刊三藏聖教經皆

二其一昭覺一則雙桂也共計七千二百卷作七百  
二十四函方丈透月旻購縑選工裝儲精密已有年  
矣鄭重其事甲申歲延程記之程聞佛西方聖人也  
其教至漢明帝時始入中國止有四十二章之經迄  
魏晉隋梁而經益出然以梵語而譯為華言不無訛  
謬至唐太宗時有法師元奘者親至西域取經較正  
爰立三藏之名一曰經即佛所說經五千四百八十  
卷也一曰論繫菩薩所說及諸解義也一曰律乃戒  
律也益以唐宋元明各高僧語錄著述而釋藏遂較  
多於儒之四庫道之三洞矣夫佛有教宗二門教則  
用語言文字宗則不用語言文字世尊立教說法四  
十九年然末後拈花教外別傳禪宗已立宗法倡於  
達摩直指人心見性成佛然語言未嘗廢却蓋此一  
大事若欲以文字形容雖以太空為紙須彌為硯南  
海為墨盡大地草木為筆亦不能寫盡以其豎窮三  
際橫亘十方無時不然無物不有而論其微妙即芥

梁山縣志

卷三

建置志 寺觀

十

二十一

子微塵猶非其倫也故識得這個任他明說隱說總  
不離渠渠為誰真我也真我者常住真心也即性也  
儒曰存心養性道曰修心鍊性釋曰明心見性三教  
同歸是此一着吾儒以存心養性為事天即所以事  
親人人親其親長其長而天下平然則人人明心見  
性天下不亦無為治乎此漢唐來重其法布其經者  
良以有助於治道亦於儒理多所發明也豈徒不昧  
因果而已哉我朝崇儒重道而於釋氏亦為加意  
此非管蠡之見所能窺測其高深者也但念雙桂半  
畝之區以天下視之滄海之一粟耳而亦遠被恩波  
得此大藏良由破山明手植雙桂以來子若孫相繼  
栽培灌溉代不乏人若雲橋置經樓於前透月裝聖  
經於後其功均不可沒即論禪學二公亦其翹出者  
也是以香達九重知為蜀中名刹故特賜之夫雙  
桂得此藏經以鎮益馨香而不朽矣而居是堂者務  
寶護珍重勿令蠹殘尤須依經行持努力精進親見  
過父母未生前本來面目自與師家同一鼻孔不惟  
佛恩祖恩可報而上報聖恩於萬一也是有望於



後之人者  
故爲記

夏家觀 巖上有石佛三尊

陳家觀

玉皇觀

天茂菴

寶花菴

竹家菴

白衣菴

秀峯菴

梁山縣志

卷三

建置志

寺觀

十一

文十

天寶菴

以上俱小南路

萬壽寺

縣西城外

西竺寺

觀音寺

二處

鳳凰寺

湖渾寺

傅家寺

陳東寺

法輪寺



雙龍寺

天福寺

新盛寺

鐵佛寺

千峯寺

四維寺

開元寺

雷音寺

迴龍山

梁山縣志

卷三

建置志

寺觀

三

上

復興堂

常樂菴

佛興菴

觀音菴

葉家菴

迴龍菴

蔡家菴

以上俱西路

觀音寺

二處

優曇寺



興隆寺

清涼寺 二處

接龍寺

天池寺

智燈寺

圓覺寺

亞聖寺

大黑潭寺

小黑潭寺

梁山縣志

卷三

建置志 寺觀

三十一

碧山寺

寶珠寺

白兔寺

宏山寺

高峯寺

波漩寺

銅鼓寺

大興寺

竺雲寺



三楚堂

江家菴

鄧家菴

謝家菴

福德觀

以上俱小西路

報國寺

縣北城外建有垂雲樓

迴龍寺

祇園寺

卽蕭家寺

橫山寺

梁山縣志

卷三

建置志 寺觀

古

三〇一

高家寺

永盛寺

都會寺

馮之璋記

梁邑之北路樂善鄉有都會寺去城三十里自漢唐創建其來遠矣凡縣君按臨胥此駐

蹕璋明末猶見梵宮森立層軒羅列苾芻數百人猗歟盛哉不期兵燹茅茨叢生獅駝俱入荆棘棟梁悉歸瓦礫迨本朝定蜀地方彫殘里老曾勝助僧然佐募建堂宇彼都人士協力新修及滇兵變起僧又散亡椽椽毀而莫構瓦片崩而莫補尤增太息幸真學和尚以夔人寓黔行潔珪璧擁錫來遊伊知宅生者緣業空則緣廢存軀者惑理勝則惑亡爰是鳩工修補捐貲裝嚴厥功倍著丙子歲余以拜墓訪僧師云昔之常住田畝以闔僧故人盡墾訖目今僧眾食寡實難招聚余聞之一垂念古蹟顛覆傍徨四顧不忍



去一追念先人創產維艱皈依三寶不靳施發心將  
寺前吳家冲田業一段沐手書契呈獻佛臺敬竭寸  
誠而已敢云功德乎哉龍神作証四界詳明樂里父  
老用刊碑石垂爲香火永奉神君伏冀宰斯土者氣  
茂三明情超六入眷言靈宇載懷興葺里中秀樸者  
內存菩提外作金湯世世護法幸甚幸甚康熙年

觀音寺

白馬寺

雲台寺

大聖寺

石佛寺

朝陽寺

梁山縣志

卷三

建置志

寺觀

十五

碧天寺

尊勝寺

普勝寺

萬興寺

龍王堂脚菴

清都觀

迎水菴

九龍菴

一二處

普靜菴



佛印堂 以上俱北路

碧澗寺 縣北新場 以下續增

金鵝寺 縣北新場

廟堂埡 縣東石家場

湯家寺 縣南五十二里

梁山縣志

卷三

建置志

寺觀